



**REPUBLIKA E SHQIPËRISË**  
**KOMISIONI I PROKURIMIT PUBLIK**

Nr. 2432/ 12 prot.

Datë 21.12.2022

**V E N D I M**  
**Nr. 1272/2022**

Komisioni i Prokurimit Publik, i përbërë nga

Jonaid Myzyri	Kryetar
Fiorent Zguro	Nënkryetar
Kreshnik Ternova	Anëtar
Anila Malaj	Anëtar

Në mbledhjen e datës 21.12.2022 shqyrtoi kërkesën me:

**Objekt:** Shfuqizimi i vendimit të Komisionit të Vlerësimit të Ofertave për kualifikimin e ofertës të paraqitur nga bashkimi operatorit ekonomik BOE “Zdravo” SHPK & “Totila” SHPK në procedurën e prokurimit “Procedurë e Hapur” me Nr. REF-43377-09-26-2022, me objekt “Rikonstruksion i shkollës 9-vjeçare Skënder Libohova + shtesë anësore, Lushnje”, me fond limit 58.167.291 (pesëdhjetë e tetë milion e njëqind e gjashtëdhjetë e shtatë mijë e dyqind e nëntëdhjetë e një) lekë pa TVSH, zhvilluar në datën 27-10-2022 nga autoriteti kontraktor Bashkia Lushnje.

**Ankimues:** Operatori ekonomik “Kevin Konstruksion” SHPK  
Adresa: Rruga “Adem Jashari” Nd. 4, Hyrja 10, Tiranë.

**Autoriteti Kontraktor:** Bashkia Lushnje  
Adresa: Lagja “Kongresi”, Lushnje.

**Baza Ligjore:** Ligji nr. 162/2020 “Për Prokurimin Publik”, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik”, e ndryshuar, Vendimi i Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, Neni 4 i Vendimit të

Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi dëgjoi relatorin e çështjes, shqyrtoi parashtrimet me shkrim e pretendimet e ankimuesit, dhe pasi diskutoi çështjen në tërësi,

## **V ë r e n:**

### **I**

#### *Vlerësimi paraprak*

I.1. Vlera limit e përlogaritur për procedurën e prokurimit objekt-ankimi është mbi kufirin e ulët monetar, ndaj shqyrtimi dhe vendimmarrja do të bëhet nga të gjithë anëtarët, në përputhje me pikën 1, të nenit 30 të ligjit nr. 162/2020 “Për Prokurimin Publik” dhe Rregullat e Prokurimit Publik.

I.2. Operatori ekonomik ka *prima facie* interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 “Për prokurimin publik”.

I.4. Operatori ekonomik ankimues ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

### **II**

#### *Rrethanat e çështjes*

II.1. Në datën 27.09.2022 në Sistemin e Prokurimeve Elektronike është publikuar procedura e prokurimit “Procedurë e Hapur” me Nr. REF-43377-09-26-2022, me objekt “Rikonstruksion i shkollës 9-vjeçare Skënder Libohova + shtesë anësore, Lushnje”, me fond limit 58 167 291 (pesëdhjetë e tetë milion e njëqind e gjashtëdhjetë e shtatë mijë e dyqind e nëntëdhjetë e një) lekë pa TVSH, zhvilluar në datën 27-10-2022 nga autoriteti kontraktor Bashkia Lushnje.

II.2. Në datë 14.10.2022 autoriteti kontraktor ka zhvilluar procedurën e prokurimit objekt-ankimi.

II.3. Referuar informacionit të autoritetit kontraktor si dhe sistemit prokurimeve elektronike rezulton, se në datën 27.10.2022, autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e

vlerësimet të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

1. BOE “Zdravo” SHPK & “Totila” SHPK	45.951.459	leke	kualifikuar
2. “Kevin Konstruksion” SHPK	46.084.477.2	leke	kualifikuar
3. “Ina” SHPK	47.958.268.2	leke	kualifikuar
4. “Fled” SHPK	48.401.509	lekë	kualifikuar
5. “2N” SHPK	48.618.797	lekë	kualifikuar
6. “Llazo” SHPK	48.960.000	lekë	kualifikuar
7. BOE “Beqiri” SHPK & “Meteo” SHPK	50.000.634.6	lekë	kualifikuar
8. BOE “MF Invest Group” SHPK & “Mane S” SHPK	50.484.900	lekë	kualifikuar
9. “Modeste” SHPK	51.261.462	lekë	kualifikuar
10. “Shendëlli” SHPK	51.941.021	lekë	skualifikuar
11. BOE “Aida Construction” SHPK & “Eurovia” SHPK	52.641.772	lekë	skualifikuar
12. BOE “Nika” SHPK & “Ndërtuesi” SHPK	54.632.169	lekë	kualifikuar
13. “GPG Company” SHPK	55.655.379	lekë	kualifikuar
14. BOE “Jogi” SHPK & “Cogren” SHPK	57.565.460	lekë	kualifikuar

II.4. Në datën 03.11.2022 autoriteti kontraktor ka kryer Publikimin e Njoftim-Fituesit në sistemin e prokurimeve elektronike, për procedurën e prokurimit objekt-ankimi, ku për këtë procedurë prokurimi është shpallur fituese oferta e BOE “Zdravo” SHPK & “Totila” SHPK

II.5. Referuar materialeve të fashikullit të shqyrtimit administrativ rezulton, se në datën 05.11.2022, operatori ekonomik ankimues “Kevin Konstruksion” SHPK, ka paraqitur ankesë nëpërmjet Sistemit të Ankesave Elektronike pranë Komisionit të Prokurimit Publik dhe autoritetit kontraktor nr. 2432/2022 protokoli, datë 07.11.2022 dhe me numër ankimi elektronik A/2022/2656, datë 05.11.2022 nëpërmjet së cilës kundërshton vendimin e komisionit të vlerësimit të ofertave në lidhje me kualifikimin e bashkimit të operatorëve ekonomikë “Zdravo” SHPK & “Totila” SHPK.

II.6. Bazuar në nenin 112 pika 3 dhe 4/c të ligjit 162/2020 “Për Prokurimin Publik” Komisioni i Prokurimit Publik ka publikuar në bazën e të dhënave të tij, të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe me anë të formularit të publikimit nr. 2432/2 prot., datë 07.11.2022, u publikuan kriteret e kualifikimit të cilat operatori ekonomik ankimues “Kevin Konstruksion” SHPK pretendon, se nuk përmbushen nga bashkimi i operatorit ekonomik “Zdravo” SHPK & “Totila” SHPK.

II.7. Me shkresën nr. 2432/3 prot., datën 14.11.2022, protokolluar pranë Komisionit Prokurimit Publik është depozituar informacioni i autoritetit kontraktor, si dhe kthim-përgjigja e operatorit ekonomik ankimues lidhur me trajtimin e ankesës së tij, në të cilën konstatohet, se Komisioni i Shqyrtimit të Ankesave, ka vendosur mos pranimin e ankesës.

II.8. Me shkresën nr. 9875/1 prot., datën 11.11.2022, protokolluar me tonën me shkresën nr. 2432/4 prot, datë 15.11.2022 pranë Komisionit Prokurimit Publik është depozituar informacioni i operatorit ekonomik ankimes, i cili kundërshton kthim-përgjigjen e autoritetit kontraktor nr. 9875/1 prot, datë 11.11.2022.

II.9. Me shkresën nr. 351 prot., datën 11.11.2022, protokolluar me tonën me shkresën nr. 2432/5 prot, datë 18.11.2022 pranë Komisionit Prokurimit Publik është depozituar informacioni i autoritetit kontraktor, si dhe kthim-përgjigja e operatorit ekonomik ankimes lidhur me trajtimin e ankesës së tij, në të cilën konstatohet, se Komisioni i Shqyrtimit të Ankesave, ka vendosur mos pranimin e ankesës.

II.10. Në përfundim të afatit brenda të cilit autoriteti kontraktor ka detyrimin ligjor të trajtimit të ankesës dhe daljes me një vendim përfundimtar në përputhje me nenin 114 të ligjit Nr.162/2020 “Për Prokurimin Publik”, Komisioni i Prokurimit Publik me anë të shkresës nr. 2432/6 prot., datë 05.12.2022 , i ka kërkuar autoritetit kontraktor të dërgojë pranë Komisionit të Prokurimit Publik, informacion të hollësishëm dhe dokumentacionin e dorëzuar pranë autoritetit kontraktor nga bashkimi operatorit ekonomik “Zdravo” SHPK & “Totila” SHPK për procedurën e mësipërme të prokurimit.

II.11. Me shkresën nr. 10766 prot., datën 06.12.2022, protokolluar me tonën me shkresën nr. 2432/7 prot, datë 07.12.2022 pranë Komisionit Prokurimit Publik është depozituar informacioni dhe dokumentacioni i bashkimit të operatorit ekonomik “Zdravo” SHPK & “Totila” SHPK dorëzuar pranë autoritetit kontraktor nga ky i fundit.

II.12. Me shkresën nr. 2432/8 prot, datë 09.12.2022, me objekt: “Kërkesë për informacion”, Komisioni Prokurimit Publik iu drejtua Ministrisë së Financave dhe Ekonomisë, duke kërkuar informacion me përmbajtje si vijon:

*Komisioni i Prokurimit Publik si organi më i lartë administrativ në fushën e prokurimeve, po shqyrton një ankesë lidhur me procedurat e prokurimit publik. Bazuar në nenin 115 të ligjit Nr. 162/2020 “Për Prokurimin Publik”, kërkojmë nga ana juaj të na informoni nëse operatorit ekonomik “Balkan Safety & Training Services” SHPK me NIPT L71715037J:*

*1- Ka aplikuar pranë jush për tu pajisur me licencë për ushtrimin e veprimtarisë ofrim i shërbimit të kurseve profesionale me profil Elektracist.*

*2- A është miratuar nga ana juaj kërkesa e këtij subjekti për ofrimin e kurseve profesionale me profil Elektracist.*

*Sa më sipër, në zbatim të nenit 115/1 e vijues të ligjit nr. 162/2020, datë 23.12.2020, “Për prokurimin publik”, 31 të Vendimit të Komisionit të Prokurimit Publik Nr. 766/2021, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, neneve 71, 72,73 të ligjit nr. 44/2015 “Kodi i Procedurave Administrative i Republikës së Shqipërisë”, si dhe në cilësinë e institucionit përgjegjës, për vetë rëndësinë, që ka shqyrtimi në kohë i ankesave të operatorëve ekonomikë në përmbushje*

*të detyrimeve që rrjedhin nga legjislacioni i prokurimit publik, si dhe për një shqyrtim më të plotë e objektiv të ankesës, lutemi të na dërgoni informacionin tuaj sa më shpejt të jetë e mundur së bashku me aktin e miratimit.*

II.13. Me shkresën nr. 2432/9 prot, datë 09.12.2022, me objekt: “Kërkesë për informacion”, Komisioni Prokurimit Publik iu drejtua Qendrës Kombëtare të Biznesit, duke kërkuar informacion me përmbajtje si vijon:

*Komisioni i Prokurimit Publik si organi më i lartë administrativ në fushën e prokurimeve, po shqyrton një ankesë lidhur me procedurat e prokurimit publik. Bazuar në nenin 115 të ligjit Nr. 162/2020 “Për Prokurimin Publik”, kërkojmë nga ana juaj të na informoni nëse operatorit ekonomik “Balkan Safety & Training Services” SHPK me NIPT L71715037J:*

*1- Ka aplikuar pranë jush për tu pajisur me licencë për ushtrimin e veprimtarisë ofrim i shërbimit të kurseve profesionale me profil Elektracist.*

*2- A është pajisur me licencë nga ana juaj ky subjekt për ofrimin e kurseve profesionale me profil Elektracist.*

*Sa më sipër, në zbatim të nenit 115/1 e vijues të ligjit nr. 162/2020, datë 23.12.2020, “Për prokurimin publik”, 31 të Vendimit të Komisionit të Prokurimit Publik Nr. 766/2021, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, neneve 71, 72,73 të ligjit nr. 44/2015 “Kodi i Procedurave Administrative i Republikës së Shqipërisë”, si dhe në cilësinë e institucionit përgjegjës, për vetë rëndësinë, që ka shqyrtimi në kohë i ankesave të operatorëve ekonomikë në përmbushje të detyrimeve që rrjedhin nga legjislacioni i prokurimit publik, si dhe për një shqyrtim më të plotë e objektiv të ankesës, lutemi të na dërgoni informacionin tuaj sa më shpejt të jetë e mundur së bashku me dokumentacionin përkatës ku të evidentohet profili i kursit elektracist që ofron ky subjekt.*

II.14. Me shkresën nr. 2432/10 prot, datë 09.12.2022, me objekt: “Vënie në dijeni”, Komisioni Prokurimit Publik iu drejtua Autoritetit Kontraktor, Operatorit Ekonomik Ankimues dhe Agjencisë së Prokurimit Publik, duke i informuar, se Komisioni Prokurimit Publik referuar nenit 115, pika 5 të ligjit nr. 162/2020, “Për prokurimin publik” dhe nenit 31 të Vendimit të Komisionit të Prokurimit Publik Nr. 766/2021, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, ju bën të ditur të gjitha palëve të mësipërme, se Komisioni Prokurimit Publik ka kërkuar informacion shtesë verifikim nga palë të treta (institucione shtetërore), dhe në referim të dispozitave të sipërcituara afatet për shqyrtimin e ankesës nr. 2432 prot, datë 07.11.2022 do të ndërpriten deri në mbërritjen e informacionit.

II.15. Me shkresën nr. 34101/1 prot., datë 15.12.2022, protokolluar me tonën me shkresën nr. 2432/11 prot, datë 16.12.2022 me objekt: “*Kërkesë për Informacion*”, Qendra Kombëtare e Biznesit ka dërguar informacion me përmbajtje si më poshtë vijon:

*Në përgjigje të shkresave me nr. 243/9 prot, datë 09.12.2022, protokolluar nga QKB me nr. 34101 prot, datë 12.12.2022, ju bëjmë me dije se nga kontrolli i të dhënave të publikuara në Regjistrin Kombëtar të Licencave, Lejeve dhe Autorizimeve të administruara nga QKB, rezulton se:*

*Subjekti “Balkan Safety & Trainin Service Services” SHPK, i regjistruar me NUIS/NIPT L71715037J ka aplikuar pranë QKB-së, me aplikimet si më poshtë:*

- 1. LC-1548-08-2018, aplikimi për ndryshim në licencën LN-4204-12-2017-Formim profesional, me status “Refuzuar” (Bashkëlidhur arsyet e refuzimit).*
- 2. LC5117-11-2017, aplikimi i ri për Licencë-Formim profesional, aprovuar me miratim në heshtje me licencën LN-4204-12-2017 (bashkëlidhur titullin e licencës LN-4204-12-2017 dhe lista e kurseve që ka paraqitur në dosjen e aplikimit).*
- 3. LC-4953-11-2017, aplikimi i ri për Licencë-Formim profesional, refuzuar (Bashkëlidhur arsyet e refuzimit).*

II.16. Nga verifikimi i dokumentacionit të administruar në dosjen e shqyrtimit administrativ, si dhe bazuar në informacionin e Autoritetit Kontraktor, u konstatua se pranë Komisionit Prokurimit Publik nuk është depozituar formulari i paraqitjes së argumenteve nga operatorët ekonomikë të interesuar sipas parashikimeve në nenin 113 ligji Nr.162/2020 “*Për Prokurimin Publik*”.

### **III**

#### **Komisioni i Prokurimit Publik**

pas shqyrtimit të ankesave, dokumentacionit bashkëngjitur tyre,

#### **Arsyeton**

III.1. Lidhur me pretendimin e operatorit ekonomik ankimues “*Kevin Konstruktion*” SHPK, mbi kundërshtimin e vendimit të komisionit të vlerësimit të ofertave në lidhje me kualifikimin e ofertës së bashkimit të operatorit ekonomik “*Zdrava*” SHPK & “*Totila*” SHPK me arsyet: “*Operatorët ekonomik të shpallur fitues nuk kanë paraqitur diplomë ose dëshmi kualifikimi të lëshuar nga një shkollë apo institucion tjetri cili të jetë i akredituar nga organet kompetente për të lëshuar një dokument të vlefshëm që të provojë se punonjësi është Teknik Ndërtimi dhe Elektracist. Pra operatorët ekonomik të shpallur fitues nuk disponojnë 1 Teknik Ndërtimi dhe 2 Elektracist sipas kushteve dhe kritereve ligjore*”, Komisioni i Prokurimit Publik vëren se:

III.1.1. Në shtojcën 7/2 “Kriteret e veçanta të kualifikimit”, pika 2.4.1 “Kapaciteti Teknik”, të dokumenteve të procedurës së prokurimit objekt-ankimi përcaktohet kriteri si më poshtë:

**2.4.1** *Operatorët ekonomik pjesëmarrës duhet të kenë të punësuar staf për kryerjen e të gjitha punimeve në objekt, të vërtetuar me kontratë pune të vlefshme, diplomë përkatëse, CV si dhe të figuroje në listepagesat e shoqërisë, konkretisht:*

- 1 (një) Inxhinier Civil ose Inxhinier zbatimi në ndërtim
- 1 (një) Teknik Ndërtimi
- 1 (një) Inxhinier Hidroteknik
- 1 (një) Inxhinier Elektrik
- 1 (një) Inxhinier Mekanik
- 2 (dy) Hidraulik
- 2 (dy) Elektricitist
- 3 (tre) Shtrues pllakash
- 3 (tre) Suvatues
- 3 (tre) Bojaxhi për ndertesa
- 2 (dy) Hekurkthyes

***Për të vërtetuar personelin duhet:***

*Për stafin e sipërcituar të paraqitet dokumentacion që vërteton profesionin si: diplomat e inxhinierëve, deshmi profesionale ose ekuivalenti i tij/saj dhe kontrata pune, diplomat ose kualifikimet për punonjës të specializuar/të kualifikuar (Hidraulik, elektricitist, shtrues pllakash, suvatues, bojaxhi për ndertesa, hekurkthyes)*

*Kriteri konsiderohet i përmbushur me paraqitjen e formularit të vetëdeklarimit sipas shtojcës 8. Ky dokumentacion dëshmuar do të paraqitet nga operatori ekonomik i kualifikuar i pari përpara publikimit të njoftimit të fituesit dhe nisjes së afatëve të ankimimit, autoriteti/enti kontraktor i kërkon ofertuesit të kualifikuar i pari dokumente provuese për vetëdeklarimet, sipas shtojcës 8 të DST, këto dokumente duhet të paraqiten në origjinal ose në kopje të njësuara me origjinalin.*

III.1.2. Në shtojcën 8 “Formulari Përmbledhës i Vetëdeklarimit” në dokumentet standarde të tenderit të procedurës së prokurimit objekt-ankimi, autoriteti kontraktor ka përcaktuar si më poshtë vijon:

**Shtojca 8.**

*(Shtojcë për tu paraqitur nga operatori ekonomik)*

## **FORMULARI PËRMBLEDHËS I VETËDEKLARIMIT**

I. Unë i nënshkruari \_\_\_\_\_ në cilësinë e \_\_\_\_\_ të operatorit ekonomik \_\_\_\_\_ deklaroj nën përgjegjësinë time të plotë që:

**Pjesa I: Informacion në lidhje me Operatorin Ekonomik**

<b>Identifikimi</b>	<b>Përgjigja</b>
Emri i operatorit ekonomik: (Ju lutemi renditni të gjithë operatorët ekonomikë nëse jeni një BOE. Ju lutemi tregoni rolin e operatorit ekonomik në BOE)	-----
Numri NIPT/et:	-----
Adresa postare: Qyteti / qyteti; Kodi postar	----- --
Përfaqësuesi (emri):	-----
Telefoni:	----- -
E-mail:	----- -----

**B: DEKLARATË**

**Për nënkontraktorët dhe subjektet në kapacitetet, e të cilave do të mbështetet Operatori Ekonomik (nëse është e zbatueshme)**

Në cilësinë e operatorit ekonomik, deklaroj nën përgjegjësinë time të plotë se:

- Informacione për nënkontraktorin**

<b>Emri i nënkontraktorit të propozuar</b>	<b>NIPT –i</b>	<b>Përqindja e nënkontraktimit</b>	<b>Shërbimet /Mallrat e lidhura me to për t’u nënkontraktuar</b>



--	--	--	--

- **Informacion mbi subjektet mbi kapacitetin, e të cilëve do të mbështetet operatori ekonomik**

<b>Emri (at) e subjekteve</b>	<b>NIPT-i</b>	<b>Lloji i kapacitetit për të cilin do të mbështetet operatori ekonomik</b>	<b>Specifiko konkretisht kapacitetin/et</b>

Deklaroj se, për subjektin / subjektet në kapacitetin/et, e të cilit/ëve do të mbështetem, nuk ka arsye për skualifikimin ose përjashtimin e tij / tyre nga procedura, në përputhje me dispozitat e nenit 76 të LPP-së, dhe konfirmoj me dokumente provuese që do të ketë burimet e kërkuara siç janë deklaruar.

## **Pjesa II: Shkaqet e përjashtimit**

### **A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT**

<b>Deklarata</b>	<b>Referencat (kur janë të zbatueshme)</b>
------------------	--

<p>Operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv.</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>
<p>Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së.</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>
<p>Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose fuqi përfaqësuese, vendimmarrëse ose kontrolluese brenda operatorit ekonomik, si më poshtë:</p> <hr/> <hr/> <p>etj.</p> <p>nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]]</p>

nenit 76 të LPP-së, etj.	
Operatori ekonomik nuk është dënuar me vendim gjyqësor të formës së prerë për vepra që lidhen me veprimtarinë profesionale.	Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]
Operatori ekonomik nuk është në proces falimentimi (statusi aktiv).	Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]
Operatori Ekonomik ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së	Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]
Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi.  Ky informacion kërkohet për operatorët ekonomikë, të cilët operojnë në territorin e Republikës së Shqipërisë.	Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]
Operatori ekonomik ushtron aktivitetin e tij në zbatimin e kërkesave ligjore në fuqi, përfshirë legjislacionin mjedisor, social dhe të punës.	Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]

<p>Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së.</p> <p>Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit Publik, gjatë kohës që ky vendim është në fuqi.</p>	<p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p>
---	--

## B: DEKLARATA

### Për Dorëzimin e Ofertave të Pavarura

Deklarata	Përgjigje
<p>Në cilësinë e operatorit ekonomik, bëj këtë deklaratë në përputhje me nenin 1 të Ligjit Nr. 162/2020, datë 23.12.2020 "Për Prokurimin Publik", dhe në zbatim të Ligjit Nr. 9121/2003 "Për Mbrojtjen e Konkurrencës", dhe garantoj që deklaratat e mëposhtme janë të vërteta dhe të plota në çdo aspekt:</p>	<p>_____</p>
<p>1. Kam lexuar dhe kuptuar përmbajtjen e kësaj deklarate;</p>	<p><b>Po</b> [ ]</p>
<p>2. Kuptoj që oferta e paraqitur do të skualifikohet dhe / ose përjashtohet nga pjesëmarrja në prokurimin publik nëse kjo Deklaratë konstatohet se nuk është</p>	<p><b>Po</b> [ ]</p>

e plotë dhe / ose e pasaktë në të gjitha aspektet;	
3. Jam i autorizuar nga Ofertuesi për të nënshkruar këtë Deklaratë dhe për të paraqitur një Ofertë në emër të Ofertuesit;	<b>Po [ ]</b>
4. Çdo person, nënshkrimi i të cilit paraqitet në dokumentacionin e ofertës është i autorizuar nga ofertuesi për të përgatitur dhe për të nënshkruar ofertën në emër të ofertuesit;	<b>Po [ ]</b>
5. Për efekt të kësaj deklaratë dhe ofertës së paraqitur, unë e kuptoj se fjala "konkurrent" nënkupton çdo operator tjetër ekonomik, përveç Ofertuesit, pavarësisht nëse paraqitet si një bashkim i operatorëve ekonomikë ose jo, që:  a) paraqet një ofertë në përgjigje të Njoftimit të Kontratës të bërë nga Autoriteti/Enti Kontraktor;  b) është ofertues i mundshëm i cili, bazuar në kualifikimet, aftësitë ose përvojat e tij, mund të paraqesë një Ofertë në përgjigje të Njoftimit të Kontratës.	<b>Po [ ]</b>
6. Ofertuesi deklaron se e ka përgatitur ofertën e tij në mënyrë të pavarur, pa u konsultuar, komunikuar dhe pa pasur ndonjë marrëveshje ose dakord me ndonjë konkurrent tjetër;	<b>Po [ ] Jo [ ]</b>
7. Ofertuesi deklaron se është konsultuar, ka komunikuar, ka lidhur marrëveshje me një ose më shumë konkurrentë në lidhje me këtë procedurë prokurimi. Ofertuesi	<b>Po [ ] Jo [ ]</b>

<p>deklaron se në dokumentet e bashkangjitura, detajet e kësaj oferte përfshijnë emrat e konkurrentëve, natyrën dhe arsyet e konsultimit, komunikimit, marrëveshjes ose angazhimit (në rast të një bashkimi të operatorëve ekonomikë ose nënkontraktimit).</p>	
<p>8. Në veçanti, pa cenuar pikat 6 dhe 7 më lart, nuk ka pasur asnjë konsultim, komunikim, kontratë ose marrëveshje me ndonjë konkurrent në lidhje me :</p> <p>a) çmimet;</p> <p>b) metodat, faktorët ose formulat e përdorura për llogaritjen e çmimit;</p> <p>c) qëllimin ose vendimin për të paraqitur një ofertë ose jo; ose</p> <p>d) paraqitjen e një oferte që nuk plotëson specifikimet e kërkesës së ofertës.</p>	<p><b>Po [ ] Jo [ ]</b></p>
<p>9. Për më tepër, nuk ka pasur asnjë konsultim, komunikim, marrëveshje ose kontratë me ndonjë konkurrent në lidhje me cilësinë, sasinë, specifikimet ose dërgesat specifike të mallrave ose shërbimeve në lidhje me prokurimin përkatës, përveç kur thuhet në pikën 7 më lart.</p>	<p><b>Po [ ] Jo [ ]</b></p>
<p>10. Kushtet e ofertës nuk u janë bërë të ditura ose treguar ofertuesve të tjerë në asnjë mënyrë, qoftë para datës dhe orës së hapjes zyrtare të ofertave, shpalljes së ofertës fituese dhe nënshkrimit të kontratës, përveç</p>	<p><b>Po [ ] Jo [ ]</b></p>

nëse kërkohet nga ligji ose nëse thuhet specifikisht nën pikën 7 më lart.	
---	--

## C: DEKLARATA

### Mbi Konfliktin e Interesit

#### Deklarata

Në cilësinë e operatorit ekonomik, ne deklarojmë se jemi të vetëdijshëm për sa vijon:

Konflikti i interesit është një situatë e konfliktit midis detyrës publike dhe interesit privat të një zyrtari, në të cilën ai / ajo ka interesa private direkte ose indirekte që ndikojnë, ose që mund të ndikojë ose që duket se ndikojnë në kryerjen e padrejtë të detyrave dhe detyrimeve publike.

Në përputhje me nenin 21, paragrafi 1, Ligji Nr. 9367, datë 07.04.2005, kategoritë e zyrtarëve siç parashikohen në Kapitullin III, Seksioni II, që janë absolutisht të ndaluara të përfitojnë drejtpërdrejt ose indirekt nga nënshkrimi i kontratave midis një pale dhe institucionit publik janë:

- Presidenti i Republikës, Kryeministri, Zëvendës Kryeministri, Ministrat, ose Zëvendësministrat, Deputetët, Gjyqtarët e Gjykatës Kushtetuese, Gjyqtarët e Gjykatës së Lartë, Kreu i Kontrollit të Lartë të Shtetit, Prokurori i Përgjithshëm, Gjyqtarët dhe Prokurorët në nivelin e Gjykatës së Shkallës së Parë dhe Gjykatës së Apelit, Avokati i Popullit, Anëtarët e Komisionit Qendror të Zgjedhjeve, Anëtarët e Këshillit të Lartë të Drejtësisë, Inspektori i Përgjithshëm i Inspektoratit të Lartë të Deklarimit dhe Kontrollit të Pasurive dhe Konfliktit të Interesit, Anëtarët e Enteve Rregullatore (Këshilli Mbikëqyrës i Bankës së Shqipërisë, përfshirë Guvernatorin dhe Zëvendësguvernatorin; konkurrenca; telekomunikacioni; energjia elektrike; furnizimi me ujë; sigurimi; bonot; autoritetet e medias), sekretarët e përgjithshëm të institucioneve qendrore si dhe çdo zyrtar publik në çdo institucion publik pozicioni i të cilit është i barabartë me atë të Drejtorit i Përgjithshëm, drejtuesit e organeve të administratës publike që nuk janë pjesë e shërbimit civil.

Për nëpunësit civilë të nivelit të mesëm, sipas nenit 31 dhe zyrtarët sipas nenit 32 të kreut III, seksionit 2 të këtij ligji, ndalimi në paragrafin 1 të këtij neni, për shkak të interesave private të zyrtarit, siç përcaktohet këtu të zbatohet vetëm në rast të lidhjes së kontratave brenda fushës dhe territorit të institucionit dhe juridiksionit të institucionit, ku punon zyrtari. Ky ndalim do të zbatohet edhe kur pala në kontratë është një institucion varësie.

Kur zyrtari është kryetar bashkie ose nënkryetar i një bashkie ose komune, ose kryetar i

një këshilli rajonal, anëtar i këshillit përkatës, ose një zyrtar i lartë i menaxhimit të një njësie të qeverisjes vendore, ndalimi për shkak të interesave private të zyrtarit, specifikuar këtu, do të zbatohet vetëm në rastin e lidhjes së kontratave, nëse ka, me bashkinë, komunën ose rajonin ku zyrtari ushtron një detyrë të tillë. Ky ndalim do të zbatohet gjithashtu kur pala në kontratë është një institucion publik në varësi të kësaj njësie (neni 21, paragrafi 2, Ligji Nr. 9367, datë 07.04.2005.

Ndalimet e parashikuara në nenin 21, paragrafët 1, 2 të Ligjit Nr. 9367, datë 07.04.2005, me përjashtimet përkatëse, do të zbatohen në të njëjtën masë edhe për personat e lidhur me zyrtarin, d.m.th. **bashkëshortin, bashkëjetuesin, fëmijët madhorë e prindërit e zyrtarit dhe të bashkëshortit dhe bashkëjetuesit.**

Unë jam në dijeni të kërkesave dhe ndalimeve të parashikuara në Ligjin Nr. 9367, datë 07.04.2005 "Për Parandalimin e Konfliktit të Interesit në Ushtrimin e Funksioneve Publike", të ndryshuar, dhe aktet nënligjore të miratuara në bazë të tij nga Inspektorati i Lartë i Deklarimi dhe Kontrolli i Pasurive, si dhe Ligji Nr. 162/2020, datë 23.12.2022 "Për Prokurimin Publik".

Në përputhje me to, unë deklaroj këtu se asnjë zyrtar publik, siç përcaktohet në Kapitullin III, Seksioni II të Ligjit Nr. 9367, datë 07.04.2005, dhe në këtë deklaratë, nuk ka ndonjë interes privat, direkt ose indirekt, me personin juridik që unë përfaqësoj këtu.

## D: DEKLARATA

### Për zbatimin e dispozitave ligjore në marrëdhëniet e punës

Deklarata	Përgjigje
Në cilësinë e operatorit ekonomik, deklaroj nën përgjegjësinë time të vetme se:	
1. Operatori ekonomik garanton mbrojtjen e së drejtës për punësim dhe profesion nga çdo formë e diskriminimit parashikuar nga legjislacioni i punës në fuqi.	Po [ ] Jo [ ]
2. Operatori ekonomik ka kontratat përkatëse të punës me punonjësit e tij dhe garanton masa sigurie dhe shëndetësore për të gjithë dhe, në veçanti, për grupet në nevojë, bazuar	Po [ ] Jo [ ]



në legjislacionin e punës në fuqi.	
3. Operatori ekonomik nuk ka ndonjë masë efektive ligjore të vendosur nga Inspektorati Shtetëror i Punës dhe Shërbimeve Sociale (ISHPSHSH). Në rastet kur janë identifikuar shkelje ligjore, operatori ekonomik ka marrë masat e nevojshme për adresimin e tyre brenda afateve të përcaktuara nga ISHPSHSH.	Po [ ] Jo [ ]

### Pjesa III Kriteret e Përzgjedhjes/Kualifikimit

#### A: DEKLARATË

Në përputhje me specifikimet teknike dhe grafikun e realizimit të objektit të kontratës:

Deklarata	Përgjigje
Në cilësinë e operatorit ekonomik, ne deklarojmë se plotësojmë të gjitha specifikimet teknike dhe termat e referencës, siç udhëzohet në dokumentet e tenderit, dhe këtë e provojmë përmes certifikatave dhe dokumenteve të paraqitura me këtë deklaratë (nëse kërkohet nga Autoriteti/Enti Kontraktor), dhe marrim përsipër të realizojmë objektin në përputhje me Listën e shërbimeve dhe grafikun e ekzekutimit të përcaktuar nga Autoriteti/Enti kontraktor.	Po [ ] Jo [ ]

#### B: DEKLARATË

Për disponimin e punonjësve dhe makinerive të nevojshme (nëse kërkohen)

Deklarata	Përgjigje
Në cilësinë e operatorit ekonomik, deklaroj nën përgjegjësinë time të	<u>Punonjës</u>

<p>vetme se:</p> <p>Unë kam punonjësit e nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar nëse fitoj, ose nëse më kërkohen sqarime nga autoriteti/enti kontraktor.</p>	<p>Po [ ] Jo [ ]</p> <p>Nëse, po, numri i punonjësve:</p> <hr/> <p>Profili i punonjësve</p> <hr/> <p><u>Makineri e mjete</u></p> <p>Po [ ] Jo [ ]</p> <p>Nëse po, të listohen me të dhënat konkrete:</p> <hr/>
<p>Data e dorëzimit të deklaratës _____ Vula _____</p> <p>Emri, Mbiemri, Firma _____</p>	

Emri, Mbiemri, Firma \_\_\_\_\_

Vula \_\_\_\_\_

*Ju lutemi sigurohuni që:*

- Secili pjesëmarrës i renditur në një bashkim operatorësh ekonomikë të paraqesë një Formular të veçantë të Vetëdeklarimit.
- Në rast se operatori ekonomik ofertues do të mbështetet në kapacitetet e subjekteve të tjera, një Formular i veçantë i Vetëdeklarimit duhet të paraqitet edhe nga subjekti mbështetës.

*Në çdo rast, autoriteti/enti kontraktor ka të drejtë të kryejë verifikimet e nevojshme për vërtetësinë të Informacionit të deklaruar nga operatori ekonomik për sa më sipër.*

*Shenim: Në çdo rast, përpara se të japë kontratën, autoriteti/enti kontraktor duhet t'i kërkojë ofertuesit fitues që të dorëzojë dokumentet provuese për vetëdeklarimet në formularin përmbledhës të vetëdeklarimit, si dhe dokumentet e paraqitura si pjesë e ofertës në rrugë*

elektronike. Këto dokumente duhet të paraqiten në origjinal ose në kopje të njësuara me origjinalin.

III.1.3. Nga verifikimet në sistemin e prokurimeve elektronike rezulton, se bashkimi operatorit ekonomikë “Zdravo” SHPK & “Totila” SHPK, në përmbushje të kriterit sa më sipër, ka dorëzuar:

1. Formularin përmbledhës të vetëdeklarimit (shtojca 8) nga operatori ekonomik “Zdravo” SHPK, ku në Deklaratën B “Për disponimin e punonjësve të nevojshëm për realizimin e punimeve objekt kontrate”, ka deklaruar 1 Teknikë Ndërtimi, dhe 3 Elektracistë.
2. Me shkresën nr. 10766 prot., datën 06.12.2022, protokolluar me tonën me shkresën nr. 2432/7 prot, datë 07.12.2022 pranë Komisionit Prokurimit Publik është depozituar informacioni dhe dokumentacioni i bashkimit të operatorit ekonomik “Zdravo” SHPK & “Totila” SHPK dorëzuar pranë autoritetit kontraktor nga ky i fundit. Bashkëlidhur informacionit konstatohen:
3. Kontratë Individuale Pune lidhur ndërmjet punëdhënësit “Zdravo” SHPK dhe punëmarrësit “M. Z” me detyrë elektriciste. Certifikatë nr. C063 lëshuar nga Certis Institute. CV.
4. Kontratë Individuale Pune lidhur ndërmjet punëdhënësit “Zdravo” SHPK dhe punëmarrësit “F. Z” me detyrë elektriciste. Certifikatë nr. BST22-08J lëshuar nga Balkan Safety & Training Services. CV. Dëshmi Kualifikimi e Sigurimit Teknik lëshuar nga HSE Manegement.
5. Kontratë Individuale Pune lidhur ndërmjet punëdhënësit “Zdravo” SHPK dhe punëmarrësit “I. H” me detyrë elektriciste. Certifikatë nr. BST22-07J lëshuar nga Balkan Safety & Training Services. CV. Dëshmi Kualifikimi e Sigurimit Teknik lëshuar nga HSE Manegement.
6. Kontratë Individuale Pune lidhur ndërmjet punëdhënësit “Zdravo” SHPK dhe punëmarrësit “Y. Z” me detyrë teknik ndërtimi. Dëshmi Kualifikimi me nr. amze 146 lëshuar nga Drejtoria Rajonale e Formimit Profesional Publik Durrës. CV. Dëshmi Kualifikimi e Sigurimit Teknik lëshuar nga HSE Manegement. Certifikatë Trajnimi me nr. AQS/T/S27652019 për Kurs Trajnimi për teknik Ndërtimi lëshuar nga AQSCERT.
7. Formularin përmbledhës të vetëdeklarimit (shtojca 8) nga operatori ekonomik “Totila” SHPK, ku në Deklaratën B “Për disponimin e punonjësve të nevojshëm për realizimin e punimeve objekt kontrate”, ka deklaruar 1 Teknikë Ndërtimi.
8. Me shkresën nr. 10766 prot., datën 06.12.2022, protokolluar me tonën me shkresën nr. 2432/7 prot, datë 07.12.2022 pranë Komisionit Prokurimit Publik është depozituar informacioni dhe dokumentacioni i bashkimit të operatorit ekonomik “Zdravo” SHPK & “Totila” SHPK dorëzuar pranë autoritetit kontraktor nga ky i fundit. Bashkëlidhur informacionit konstatohen:
9. Kontratë Pune me Nr. 526 . Rep Nr. 255 Kol, datë 10.03.2021, lidhur ndërmjet punëdhënësit “Totila” SHPK dhe punëmarrësit “Y. H” me detyrë teknik ndërtimi. Libreze Pune. Vërtetim dhe listë notash nga Shkolla Mesme Profesionale “Stiliano

Bandili” Berat. Certifikatë të lëshuar nga Kryqi Kuq Shqiptarë për mbarimin e kursit të Ndhmës së Parë.

III.1.4. Referuar nenit 77 të ligjit nr. 162/2020 “Për prokurimin Publik” përcaktohet se: “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

a) përshtatshmërinë për të kryer veprimtarinë profesionale;

b) gjendjen ekonomike dhe financiare;

c) aftësinë teknike dhe profesionale. Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

2. Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionalë ose tregtarë. Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.

3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet 12 kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit. Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës. Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë. Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.

5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”.

III.1.5. Në pikat 1 dhe 2 të nenit 82 “Formulari përmbledhës i vetëdeklarimit”, të ligjit nr. 162/2020 “Për Prokurimin Publik” përcaktohet se: “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari 23 përcaktohet në rregullat e prokurimit publik. Kur autoriteti ose enti kontraktor mund t'i marrë dokumentet mbështetëse duke u futur direkt në një bazë të aksesueshme të dhënash shtetërore, në formularin përmbledhës të vetëdeklarimit përcaktohet edhe informacioni që kërkohet për këtë qëllim, siç është adresa në internet e bazës të të dhënave, çdo e dhënë identifikimi dhe, sipas rastit, në deklaratën e nevojshme për dhënien e pëlqimit. Operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

2. Në çdo kohë gjatë procedurës, autoriteti ose enti kontraktor mund t'u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës”.

III.1.6. Ndërsa në nenin 92/3 të ligjit nr. 162/2020 “Për Prokurimin Publik” përcaktohet se: “3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji..”.

III.1.7. Në nenin 26 “Formulari përmbledhës i vetëdeklarimit”, pikat 1, 2, 3, 6 dhe 7 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, parashikohet shprehimisht se: “Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla”.

2. Formulari përmbledhës i vetëdeklarimit përmban informacion dhe deklarin, si më poshtë vijon:

- a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;
- b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;
- c) personi/at në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose që ka kompetenca përfaqësuese, vendimmarrjeje ose kontrolluese

brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;

ç) operatori ekonomik nuk është dënuar me vendim të gjykatës së formës së prerë, për vepra që lidhen me veprimtarinë profesionale;

d) operatori ekonomik nuk është në proces falimentimi;

dh) operatori ekonomik ka paguar të gjitha detyrimet për pagimin e taksave dhe tatimeve 1 të kontributeve të sigurimeve shoqërore, sipas parashikimeve të pikës 2, të nenit 76, të LPP-së;

e) operatori ekonomik ka shlyer të gjitha detyrimet e maturuara të energjisë elektrike, dhe përmbush kërkesat që rrjedhin nga legjislacioni i fushës në fuqi. Ky informacion kërkohet për operatorët ekonomikë, të cilët ushtrojnë veprimtarinë në territorin e Republikës së Shqipërisë;

ë) operatori ekonomik nuk ndodhet në kushtet e konfliktit të interesit, sipas legjislacionit në fuqi;

f) operatori ekonomik ushtron aktivitetin në zbatim të kërkesave ligjore të legjislacionit mjedisor, social dhe të punës;

g) operatori ekonomik ka paraqitur ofertë të pavarur, sipas kërkesave të legjislacionit në fuqi;

gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;

h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);

i) operatori ekonomik disponon mjetet dhe makineritë e nevojshme për ekzekutimin e kontratës,

sipas kërkesave të autoritetit/entit kontraktor, kur është rasti;

j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;

k) operatori ekonomik ushtron aktivitetin konform kërkesave të legjislacionit në fuqi.

3. Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.

4. Për përmbushjen e detyrimit sipas këtij neni, operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

5. Operatorëve ekonomikë nuk u kërkohet të dorëzojnë dokumente mbështetëse, kur autoriteti ose enti kontraktor që ka dhënë kontratën ose ka lidhur marrëveshjen kuadër, i ka këto dokumente.

6. Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin.

Autoriteti/enti kontraktor pranon një dokument të lëshuar nga i njëjti institucion ose palë e tretë dhe që ka të njëjtin informacion me atë të paraqitur në procedurën e zhvilluar në mënyrë elektronike.

*Operatorët ekonomikë të huaj duhet të paraqesin dokumentet në formën e kërkuar nga legjislacioni në fuqi për njohjen e dokumentacionit të lëshuar në një shtet të huaj.*

*Për dokumentet që nuk lëshohen në vendin e origjinës, operatorët ekonomikë duhet të vetëdeklarojnë këtë fakt, përndryshe dokumentacioni do të konsiderohet i paparaqitur.*

*7. Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t'i kërkojë operatorit sqarime dhe dokumente mbështetëse për këto sqarime.*

III.1.8. Në nenin 39, pika 4 dhe gërma “ç” e pikës 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, parashikohet shprehimisht se: “4. Kërkesat e veçanta të kualifikimit duhet të përfshijnë të gjitha kriteret specifike në përputhje me nenin 77, të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo rast, autoriteti ose enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.

*6. Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:*

*ç) fuqinë minimale punëtore të operatorit ekonomik, të nevojshëm për ekzekutimin e objektit të prokurimit; dhe/ose [....]”.*

III.1.9. Në ligjin Nr. 15/2017 “Për arsimin dhe formimin profesional në Republikën e Shqipërisë”, në nenin 3 të tij përcakton se: “Arsimi dhe formimi profesional ka për mision: a) të zhvillojë kompetenca personale e profesionale të nevojshme, si dhe shprehi e kompetenca të tjera të diversifikuara, që pasqyrojnë preferencat dhe nevojat e veçanta të punëdhënësve për të siguruar mirëqenie sociale dhe zhvillimin ekonomik; b) të ofrojë arsim dhe formim profesional në përputhje me nivelin e zhvillimit të shkencës e të teknologjisë, me kërkesat e tregut të punës në ndryshim të vazhdueshëm, si dhe me kulturën e traditën kombëtare; c) të sigurojë përputhshmëri ndërkombëtare të dokumenteve certifikuese të lëshuara.” Ndërsa në pikën 17 të nenit 4 të po këtij ligji thuhet se: “Certifikatat/dëshmitë/diplomat” janë dokumente zyrtare të llojeve të ndryshme, të lëshuara nga një organ certifikues, të cilat regjistrojnë arritjet e një individi pas vlerësimit, sipas një procedure e standardi të paracaktuar.

III.1.10. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Kriteret kualifikuese të përcaktuara nga

autoriteti kontraktor janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit. Për pasojë, Komisioni gjykon, se operatorët ekonomikë pjesëmarrës në një procedurë prokurimi duhet të plotësojnë vetëm kërkesat e vendosura në dokumentet e tenderit, e rrjedhimisht, vlerësimi e kualifikimi i tyre duhet të bëhet në përputhje vetëm me këto kërkesa.

Nga shqyrtimi i dokumentacionit të dorëzuar në SPE nga bashkimi i operatorit ekonomik "Zdravo" SHPK & "Totila" SHPK, Komisioni konstaton, se ky bashkim operatorësh ekonomikë ka ngarkuar në SPE shtojcën 8 "Formulari Përmbledhës i Vetëdeklarimit" si dhe ka dorëzuar pranë autoritetit kontraktor dokumentacionin në lidhje me vërtetueshmërinë e plotësimin të kriterëve të kualifikimit të vetëdeklaruar në shtojcën 8, ku deklarohet stafin e punonjësve të specializuar, referuar kriterit të parashikuar në pikën 2.4.1 të dokumenteve standarde të tenderit. (Emër Mbiemër i punonjësit, Profesioni, Institucioni publik/privat lëshues i certifikatës/diplomës, duke evidentuar institucionin/subjektin privat lëshues të certifikatës/diplomës sipas profilit profesional të kërkuar (1 teknikë ndërtimi, 2 elektrikistë).

Për verifikimin e informacionit të deklaruar, në formularin përmbledhës të vetëdeklarimit dhe dokumentacionit të dorëzuar pranë autoritetit kontraktor Komisioni Prokurimit Publik, i është drejtuar Ministrisë së Financave dhe Ekonomisë me shkresën nr. 2432/8 prot, datë 09.12.2021 dhe Qendrës Kombëtare të Biznesit me shkresën nr. 2432/9 prot, datë 09.12.2022 duke i kërkuar këtyre institucioneve nëse subjekti "*Balkan Safety & Training Services*" SHPK me NIPT L71715037J 1- Ka aplikuar pranë jush për tu pajisur me licencë për ushtrimin e veprimtarisë ofrim i shërbimit të kurseve profesionale me profil Elektracist. 2- A është pajisur dhe miratuar licenca nga ana juaj për këtë subjekt për ofrimin e kurseve profesionale me profil Elektracist. Qendra Kombëtare e Biznesit me shkresën nr. 34101/1 prot., datë 15.12.2022, protokolluar me tonën me shkresën nr. 2432/11 prot, datë 16.12.2022 citon se nga kontrolli i të dhënave të publikuara në Regjistrin Kombëtar të Licencave, Lejeve dhe Autorizimeve të administruara nga QKB, rezulton se subjekti "*Balkan Safety & Trainin Service Services*" SHPK, i regjistruar me NUIS/NIPT L71715037J ka aplikuar pranë QKB-së, me aplikimin LC5117-11-2017, aplikimi i ri për Licencë-Formim profesional, aprovuar me miratim në heshtje me licencën LN-4204-12-2017 (bashkëlidhur titullin e licencës LN-4204-12-2017 dhe lista e kurseve që ka paraqitur në dosjen e aplikimit), referuar listës bashkëlidhur nga verifikimi i së cilës rezulton se subjekti *Balkan Safety & Trainin Service Services*" SHPK është i licencuar për ofrimin e kurseve për elektrikist. Për sa parashtruar më sipër, referuar shkresës kthim-përgjigje nr. 34101/1 prot., datë 15.12.2022, protokolluar me tonën me shkresën nr. 2432/11 prot, datë 16.12.2022, rezulton se subjekti "*Balkan Safety & Trainin Service Services*" SHPK, me NUIS/NIPT L71715037J dhe Licencë me LN-4204-12-2017 është i licencuar të ofrojë kurse të formimit profesional dhe të lëshojë certifikata/diploma për profesionet "Elektracist".

Në përfundim të analizës së fakteve përkatëse, Komisioni arrin në konkluzionin, se edhe pse operatori ekonomik ka dorëzuar formularin përmbledhës të vetëdeklarimit në përputhje me



nenin 82 LPP dhe 26 të VKM për plotësimin e këtij kriteri dhe dokumentacion përkatës të kërkuar nga autoriteti kontraktor dhe të dorëzuar pranë Komisionit Prokurimit Publik me shkresën nr. 10799 prot, datë 06.12.2022, siç rezultoi dhe nga hetimi i thelluar i kryer nga Komisioni Prokurimit Publik, rezultoi se kriteri për certifikimin e stafit të specializuar i pretenduar nga operatori ekonomik ankimes për bashkimin e operatorëve ekonomikë “Zdravo” SHPK & “Totila” SHPK përmbushet me sukses, pasi punonjësit e deklaruar nga ky bashkim operatorësh ekonomik janë F. Z me detyrë elektrikist me Certifikatë nr. BST22-08J lëshuar nga Balkan Safety & Training Services, I. H me detyrë elektrikist me Certifikatë nr. BST22-07J lëshuar nga Balkan Safety & Training Services dhe “Y. H”, me detyrë teknik ndërtimi me vërtetim dhe listë notash nga Shkolla Mesme Profesionale “Stiliano Bandili” Berat. Komisioni i Prokurimit Publik gjykon, se personeli teknik i deklaruar nga bashkimi i operatorit ekonomik “Zdravo” SHPK & “Totila” SHPK në këtë procedurë prokurimi si “Teknik ndërtimi” dhe “Elektriciist” provon, se i ka të punësuar dhe të certifikuar këta punonjës, në përputhje të kërkesave të autoritetit kontraktor si më sipër cituar. Për sa më sipër cituar, duke qenë se për autoritetin kontraktor është e rëndësishme të provohet, që operatori ekonomik zotëron personelin e nevojshëm për realizimin e kontratës objekt-shqyrtimi, dokumentacioni i paraqitur nga shoqëria “Zdravo” SHPK & “Totila” SHPK provon, se përmbush kriterin e veçantë të kualifikimit të parashikuar në pikën 2.4.1 të dokumenteve standarde të tenderit.

Formimi profesional i personelit përbën domosdoshmëri dhe garanton autoritetin kontraktor për kapacitetet profesionale të ofertuesve për përmbushjen me sukses të kontratës, gjë e cila vërtetohet vetëm me Certifikatë/dëshmi/diplomë që është dokument zyrtar dhe i lëshuar një organ certifikues, sipas procedurave standarde ligjore dhe që regjistrojnë arritjet e një individi pas vlerësimit të caktuar. Për sa më sipër cituar Komisioni i Prokurimit Publik gjykon, se në kushtet kur shoqëria Balkan Safety & Training Services, në vitin 20179 ka qenë e licencuar dhe e pajisur me licencë nga Qendra Kombëtare e Biznesit për të ofruar kurse trajnimi për formimin profesional në përputhje me ligjin nr.15/2017, *"Per arsimin dhe formimin profesional në Republikën e Shqipërisë"*, Certifikata e Trajnimit, lëshuar nga Balkan Safety & Training Services në emër të F. Z dhe I. H për *"Elektriciist"* do të konsiderohet se përmbush kërkesën e autoritetit kontraktor *"Për stafin e sipërcituar të paraqitet dokumentacion që vërteton profesionin si: diplomat e inxhinierëve, dëshmi profesionale ose ekuivalenti i tij/saj dhe kontrata pune, diplomat ose kualifikimet per punonjës të specializuar/të kualifikuar (Hidraulik, elektrikist, shtrues pllakash, suvatues, bojaxhi për ndërtesa , hekurkthyes)"*.

Për sa më sipër cituar Komisioni i Prokurimit Publik gjykon, se për z. F. Z, I. H dhe Y. H është paraqitur dokumentacion në përputhje me ligjin nr. 15/2017, *"Për arsimin dhe formimin profesional në Republikën e Shqipërisë"*, parashikuar në dokumentet e tenderit si më sipër cituar.

Për sa më sipër, pretendimi i operatorit ekonomik ankimes nuk qëndron.

III.2. Lidhur me pretendimin e operatorit ekonomik ankimues “Kevin Konstruksion” SHPK, mbi kundërshtimin e vendimit të komisionit të vlerësimit të ofertave në lidhje me kualifikimin e ofertës së bashkimit të operatorit ekonomik “Zdravo” SHPK & “Totila” SHPK me arsyet: “Nga informacionet tona, rezulton se bashkimi i operatorit ekonomik i renditur i pari dhe të shpallur fitues, nuk e plotësojnë kriterin e mësipërm të vendosur nga Njësia e Prokurimit, për shkak se 1 (një) Teknik Ndërtimi, 2 (dy) Hidraulik, 2 (dy) Elektracist, 3 (tre) Shtrues pllakash, 3 (tre) Suvatues, 3 (tre) Bojaxhi për ndërtesa, 2 (dy) Hekurkthyes”, nuk janë paraqitur me kodet respektive 3119.15, 7126.03, 7411.01, 7122.07, 7131.07, 7114.04 në listepagesat e këtyre shoqërive. Bazuar në DST, paraqitja e dokumenteve të pasakta përbën shkak për skualifikim” Komisioni i Prokurimit Publik vëren se:

III.2.1. Në shtojcën 7/2 “Kriteret e veçanta të kualifikimit”, pika 2.4.1 dhe 2.4.2 “Kapaciteti Teknik”, të dokumenteve të procedurës së prokurimit objekt-ankimi përcaktohet kriteri si më poshtë:

**2.4.1** Operatorët ekonomik pjesëmarrës duhet të kenë të punësuar staf për kryerjen e të gjitha punimeve në objekt, të vërtetuar me kontratë pune të vlefshme, diplomë përkatëse, CV si dhe të figuroje në listepagesat e shoqërise, konkretisht:

- 1 (një) Inxhinier Civil ose Inxhinier zbatimi në ndërtim
- 1 (një) Teknik Ndërtimi
- 1 (një) Inxhinier Hidroteknik
- 1 (një) Inxhinier Elektrik
- 1 (një) Inxhinier Mekanik
- 2 (dy) Hidraulik
- 2 (dy) Elektracist
- 3 (tre) Shtrues pllakash
- 3 (tre) Suvatues
- 3 (tre) Bojaxhi për ndërtesa
- 2 (dy) Hekurkthyes

**Për të vërtetuar personelin duhet:**

Për stafin e sipërcituar të paraqitet dokumentacion që vërteton profesionin si: diplomat e inxhinierëve, deshmi profesionale ose ekuivalenti i tij/saj dhe kontrata pune, diplomat ose kualifikimet për punonjës të specializuar/të kualifikuar (Hidraulik, elektracist, shtrues pllakash, suvatues, bojaxhi për ndërtesa, hekurkthyes)

Kriteri konsiderohet i përmbushur me paraqitjen e formularit të vetëdeklarimit sipas shtojcës 8. Ky dokumentacion deshmues do të paraqitet nga operatori ekonomik i kualifikuar i pari përpara publikimit të njoftimit të fituesit dhe nisjes së afateve të ankimimit, autoriteti/enti kontraktor i kërkon ofertuesit të kualifikuar i pari dokumente provuese për vetëdeklarimet, sipas shtojcës 8 të DST, këto dokumente duhet të paraqiten në origjinal ose në kopje të njësuar me origjinalin.

**2.4.2.** Një punësim mesatar i të paktën **50 (pesëdhjetë)** personave, të cilët duhet të figurojnë në listpagesat e shoqërisë minimumi për 3 (tre) muajt e fundit të deklaruar nga data e hapjes së ofertave vërtetuar me:

- a. Vërtetim të lëshuar nga Administrata Tatimore për periudhën e fundit të deklaruar.
- b. Listpagesat e punonjesve të konfirmuara nga autoritetet perkatese sipas formatit që kerkohet nga legjislacioni ne fuqi për periudhën e fundit të deklaruar.

*Kriteri konsiderohet i përmbushur me paraqitjen e formularit të vetëdeklarimit sipas shtojcës 8. Ky dokumentacion deshmues do të paraqitet nga operatori ekonomik i kualifikuar i pari përpara publikimit të njoftimit të fituesit dhe nisjes së afateve të ankimimit, autoriteti/enti kontraktor i kërkon ofertuesit të kualifikuar i pari dokumente provuese për vetdeklarimet, sipas shtojcës 8 të DST, keto dokumente duhet të paraqiten ne origjinal ose ne kopje të njësuara me origjinalin.*

III.2.2. Nga verifikimet në sistemin e prokurimeve elektronike rezulton, se bashkimi i operatorit ekonomike “Zdravo” SHPK & “Totila” SHPK në përmbushje të kriterit sa më sipër, ka dorëzuar dokumentacionin si më poshtë:

1. Formularin përmbledhës të vetëdeklarimit (shtojca 8) nga operatori ekonomik “Zdravo” SHPK, ku në Deklaratën B “Për disponimin e punonjësve të nevojshëm për realizimin e punimeve objekt-kontrate”, ka deklaruar 1 Teknikë Ndërtimi, dhe 3 Elektracistë.
2. Me shkresën nr. 10766 prot., datën 06.12.2022, protokolluar me tonën me shkresën nr. 2432/7 prot, datë 07.12.2022 pranë Komisionit Prokurimit Publik është depozituar informacioni dhe dokumentacioni i bashkimit të operatorit ekonomik “Zdravo” SHPK & “Totila” SHPK dorëzuar pranë autoritetit kontraktor nga ky i fundit. Bashkalidhur informacionit konstatohen:
3. Kontratë Individuale Pune lidhur ndërmjet punëdhënësit “Zdravo” SHPK dhe punëmarrësit “M. Z” me detyrë elektriciste. Certifikatë nr. C063 lëshuar nga Certis Institute. CV.
4. Kontratë Individuale Pune lidhur ndërmjet punëdhënësit “Zdravo” SHPK dhe punëmarrësit “F. Z” me detyrë elektriciste. Certifikatë nr. BST22-08J lëshuar nga Balkan Safety & Training Services. CV. Dëshmi Kualifikimi e Sigurimit Teknik lëshuar nga HSE Manegement.
5. Kontratë Individuale Pune lidhur ndërmjet punëdhënësit “Zdravo” SHPK dhe punëmarrësit “I. H” me detyrë elektriciste. Certifikatë nr. BST22-07J lëshuar nga Balkan Safety & Training Services. CV. Dëshmi Kualifikimi e Sigurimit Teknik lëshuar nga HSE Manegement.
6. Kontratë Individuale Pune lidhur ndërmjet punëdhënësit “Zdravo” SHPK dhe punëmarrësit “Y. Z” me detyrë teknik ndërtimi. Dëshmi Kualifikimi me nr. amze 146 lëshuar nga Drejtoria Rajonale e Formimit Profesional Publik Durrës. CV. Dëshmi

Kualifikimi e Sigurimit Teknik lëshuar nga HSE Manegement. Certifikatë Trajnimi me nr. AQS/T/S27652019 për Kurs Trajnimi për teknik Ndërtimi lëshuar nga AQSCERT.

7. Formularin përmbledhës të vetëdeklarimit (shtojca 8) nga operatori ekonomik “Totila” SHPK, ku në Deklaratën B “Për disponimin e punonjësve të nevojshëm për realizimin e punimeve objekt kontrate”, ka deklaruar 1 Teknikë Ndërtimi.
8. Me shkresën nr. 10766 prot., datën 06.12.2022, protokolluar me tonën me shkresën nr. 2432/7 prot, datë 07.12.2022 pranë Komisionit Prokurimit Publik është depozituar informacioni dhe dokumentacioni i bashkimit të operatorit ekonomik “Zdravo” SHPK & “Totila” SHPK dorëzuar pranë autoritetit kontraktor nga ky i fundit. Bashkëlidhur informacionit konstatohen:
9. Kontratë Pune me Nr. 526. Rep Nr. 255 Kol, datë 10.03.2021, lidhur ndërmjet punëdhënësit “Totila” SHPK dhe punëmarrësit “Y. H” me detyrë teknik ndërtimi. Librezë Pune. Vërtetim dhe listë notash nga Shkolla Mesme Profesionale “Stiliano Bandili” Berat. Certifikatë të lëshuar nga Kryqi Kuq Shqiptar për mbarimin e kursit të Ndihmës së Parë.
10. Listëpagesat e shoqërisë “Zdravo” SHPK për periudhën Janar-Gusht 2022.
11. Listëpagesat e shoqërisë “Totila” SHPK për periudhën Maj-Gusht 2022.

III.2.3. Në nenin 2 “Qëllimi i ligjit” 162/2021 “Për prokurimin publik” parashikohet se: *Qëllim i këtij ligji është: a) të rrisë efijencën dhe efikasitetin në procedurat e prokurimit publik; b) të sigurojë mirëpërdorim të fondeve publike dhe të ulë shpenzimet procedurale; c) të nxisë pjesëmarrjen e operatorëve ekonomikë në procedurat e prokurimit publik; ç) të nxisë konkurrencën ndërmjet operatorëve ekonomikë; d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik; dh) të sigurojë integritet, besim publik dhe transparencë në procedurat e prokurimit publik.*

III.2.4. Në nenin 3 Parime të përgjithshme *1. Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale. 2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar. 3. Autoritetet dhe entet kontraktore janë të detyruara të zbatojnë detyrimet e përcaktuara në legjislacionin mjedisor, social e të punës dhe në dispozitat e marrëveshjeve dhe konventat ndërkombëtare, të ratifikuara në përputhje me Kushtetutën.*

III.2.5. Në nenin 77 “Kërkesat për kualifikim”, të ligjit nr.162/2020 “Për prokurimin publik”, parashikohet shprehimisht se: *“1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:*

- a) përshtatshmërinë për të kryer veprimtarinë profesionale;*
- b) gjendjen ekonomike dhe financiare;*
- c) aftësinë teknike dhe profesionale.*

*Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.*

*4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie”*

III.2.6. Referuar nenit 77 të ligjit nr. 162/2020 “Për prokurimin Publik” përcaktohet se: “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

*a) përshtatshmërinë për të kryer veprimtarinë profesionale;*

*b) gjendjen ekonomike dhe financiare;*

*c) aftësinë teknike dhe profesionale. Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.*

*2. Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionale ose tregtarë. Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.*

*3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit. Xhiron vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës. Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë. Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.*

*4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që*

*operatorët ekonomikë të kenë një nivel të mjaftueshëm përvojë që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.*

*5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”.*

III.2.7. Në nenin 39, pika 4 dhe gërma “ç” e pikës 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, parashikohet shprehimisht se: “4. Kërkesat e veçanta të kualifikimit duhet të përfshijnë të gjitha kriteret specifike në përputhje me nenin 77, të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo rast, autoriteti ose enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.

*6. Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:*

*ç) fuqinë minimale punëtore të operatorit ekonomik, të nevojshëm për ekzekutimin e objektit të prokurimit; dhe/ose [....]”.*

III.2.8. Ndërsa në nenin 92/3 të ligjit nr. 162/2020 “Për Prokurimin Publik” përcaktohet se: “3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji..”.

III.2.9 . Kriteret për kualifikim vendosen që t’i shërbejnë autoritetit kontraktor për të krijuar një panoramë të përgjithshme të kapaciteteve dhe mundësisë së operatorit ekonomik për përmbushje me sukses të kontratës. Në varësi të kontratës dhe volumit të saj, autoriteti kontraktor përcakton kërkesat e veçanta për kualifikim, të cilat janë të detyrueshme për t’u përmbushur nga operatorët ekonomikë pjesëmarrës në procedurat e prokurimit. Operatorët ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Gjithashtu, një ndër parimet kryesore të zhvillimit të procedurës së prokurimit është ai barazisë në trajtimin e kërkesave dhe të detyrimeve, që u ngarkohen ofertuesve ose kandidatëve, parashikuar nga neni 3 i ligjit nr. Nr. 162/2020 “Për prokurimin publik”. Zbatimi i parimit të transparencës, barazisë dhe mosdiskriminimit, janë garancitë kyçe ndaj ofertuesve që ofron kuadri ligjor në fuqi. Këto parime ndër të tjera nënkuptojnë, se operatorët ekonomikë duhet të jenë në një pozicion barazie, si kur përgatisin ofertat e tyre, ashtu dhe kur të vlerësohen ato. Operatorët ekonomikë pjesëmarrës në

procedurën e prokurimit, me dokumentacionin e dorëzuar, duhet të vërtetojnë, që produkti i ofruar është në përputhje me parametrat dhe specifikimet teknike e kërkuara nga autoriteti kontraktor. Operatorët ekonomikë ofertues marrin përsipër përmbushjen e specifikimeve teknike/ kriterëve të përcaktuara në dokumentet e tenderit nga ana e autoriteteve kontraktore, nëpërmjet deklaratave dhe dokumentacionit provues në të cilin duhet të faktojnë përputhshmërinë e dokumentacionit me kriteret e përcaktuara nga autoriteti kontraktor, në mënyrë që nga ana e këtij të fundit të mund të kryhet me lehtësi e saktësi vlerësimi i mallrave apo shërbimeve të ofertuara nga operatorët ekonomikë pjesëmarrës, duke përzgjedhur atë ofertues i cili me dokumentacionin e dorëzuar garanton përputhshmërinë me kriteret e përcaktuara në DT, e rrjedhimisht realizimin me sukses të kontratës objekt-prokurimi.

III.2.10. KPP-ja gjykon se vetë ligjvënësi ka parashikuar në nenin 2 gërma “dh” se qëllimi i ligjit të prokurimit publik nr. 162/2020 “*Për prokurimin publik*” si ligj material i zbatueshëm për shqyrtimin administrativ të ankesave të operatorëve ekonomikë, është ndër të tjera të sigurojë integritet, besim publik dhe transparencë në procedurat e prokurimit publik. Ashtu si edhe GJED ka nënvizuar ndër vite, parimi i transparencës dhe barazisë janë të lidhura ngushtë me njëra-tjetrën, por detyra thelbësore e transparencës në një procedurë prokurimi është që të krijohen kushte dhe rregulla të hollësishme për të gjithë palët në proces.

III.2.11. Nga shqyrtimi i dokumenteve të tenderit të procedurës së prokurimit objekt shqyrtimi, KPP vëren se, autoriteti kontraktor në dokumentet e tenderit, në shtojcën 7 “*Kriteret e Veçanta të Kualifikimit*”, ka kërkuar shprehimisht që *operatori ekonomik Për stafin e sipërcituar të paraqitet dokumentacion që vërteton profesionin si: diplomat e inxhinierëve, dëshmi profesionale ose ekuivalenti i tij/saj dhe kontrata pune, diplomat ose kualifikimet për punonjës të specializuar/të kualifikuar (Hidraulik, elektrikist, shtrues pllakash, suvatues, bojaxhi për ndërtesa , hekurkthyes) si dhe një punësim mesatar i të paktën 50 (pesëdhjetë) personave, të cilët duhet të figurojnë në listëpagesat e shoqërisë minimumi për 3 (tre) muajt e fundit të deklaruar nga data e hapjes së ofertave vërtetuar me: a. Vërtetim të lëshuar nga Administrata Tatimore për periudhën e fundit të deklaruar. b. Listëpagesat e punonjesve të konfirmuara nga autoritetet perkatëse sipas formatit që kërkohej nga legjislacioni në fuqi për periudhën e fundit të deklaruar. KPP konstaton se, qëllimi i këtij kriteri është që nëpërmjet dokumentacionit të kërkuar, të verifikohet se operatorët ekonomikë të kënaqur të kualifikuar për kryerjen e kësaj pune si dhe stafi i deklaruar të figurojë në listëpagesat e shoqërisë.*

III.2.14. Referuar sa më sipër, Komisioni i Prokurimit Publik, nga verifikimi i dokumentacionit të dorëzuar nga bashkimi i operatorit ekonomikë “Zdravo” SHPK & “Totila” SHPK, konstaton se, ky i fundit, për të plotësuar kriterin e mësipërm ka paraqitur në SPE - *I- Formularin Përmbledhës të Vetëdeklarimit, Kontratat e Punës së bashku me certifikatat e trajnimit për secilin si dhe listëpagesat. Sa më sipër, nisur nga pretendimet e operatorit ekonomik ankimes, nga shqyrtimi i dokumentave të tenderit, dokumentacionit të dorëzuar në SPE dhe pranë autoritetit kontraktor nga bashkimi i operatorit ekonomik “Zdravo” SHPK & “Totila” SHPK, konstatohet se ky bashkim operatorësh ekonomikë ka paraqitur dokumentacionin e nevojshëm për përmbushjen e kriterit të vecantë të kualifikimit*

për të cilat ngre pretendime operatori ekonomik ankimues, referuar dokumenteve të procedurës së prokurimit objekt-ankimi, konkretisht kriterëve të veçanta të kualifikimit të pikave 2.4.1 dhe 2.4.2, Komisioni i Prokurimit Publik nuk konstaton, që operatorët ekonomikë ofertues duhet të deklarojnë në listëpagesa punonjësit e tyre sipas kodeve respektive të parashikuar në VKM 514, datë 20.09.2017. Pra, nga ana e autoritetit kontraktor në kriteret e veçanta të kualifikimit nuk është kërkuar në asnjë rast që ofertuesit punonjësit e tyre duhet t'i deklarojnë në listëpagesa me kodet sipas profesioneve të tyre. Për sa më sipër, Komisioni i Prokurimit Publik gjykon, se pretendimi i operatorit ekonomik ankimues “Kevin Konstruktion” SHPK mbi skualifikimin e bashkimit të operatorëve ekonomikë ofertues “Zdravo” SHPK & “Totila” SHPK është bërë duke iu referuar një kriteri kualifikues të pakërkuar, çka nuk është në përputhje me ligjin për prokurimin publik dhe për sa kohë nuk ka qënë objekt i përmbushjes si kriter, por ky bashkim operatorësh këtë gjë e vërteton më së miri me certifikatat e kualifikimit të këtyre punonjësve të lëshuara nga entë të licencuara, KPP nuk mund të gjykojë mbi këtë pretendim.

Rrjedhimisht, pretendimi i operatorit ekonomik ankimues nuk qëndron.

III.3. Lidhur me pretendimin e operatorit ekonomik ankimues “Kevin Konstruktion” SHPK, mbi kundërshtimin e vendimit të komisionit të vlerësimit të ofertave në lidhje me kualifikimin e ofertës së bashkimit të operatorit ekonomik “Zdravo” SHPK & “Totila” SHPK me arsyet: *“Bashkimi i operatorëve ekonomik i shpallur fitues i rënditur i pari nuk kanë deklaruar në shtojcën 8 “Formulari Përmbledhës i Vetëdeklarimit” leje qarkullimi, nr. shasie, për ekskavatorin me goma. Duke qënë se ky mjet është me goma operatorët duhej të paraqisnin të dhënat përkatëse dhe lejen e qarkullimit. Gjithashtu ky bashkim operatorësh ekonomik ka deklaruar se disponon një autobot uji por në fakt dokumentet e këtij mjeti janë orë autobot nafte. Për këto arsye ky bashkim operatorësh ekonomik duhet të skualifikohet”* Komisioni i Prokurimit Publik vëren se:

III.3.1. Në shtojcën 7/2 “Kriteret e veçanta të kualifikimit”, pika 2.7 “Kapaciteti Teknik”, të dokumenteve të procedurës së prokurimit objekt-ankimi përcaktohet kriteri si më poshtë:

*2.7. Operatori ekonomik pjesëmarrës, për realizimin e kontratës, duhet të disponojë, mjetet dhe pajisjet e mëposhtme:*

<b>Mjetet</b>	<b>Sasia</b>	<b>Gjendja</b>
<i>Ekskavator me goma</i>	<i>1 copë</i>	<i>Pronësi ose me qira</i>
<i>Kamion vetshkarkues 5 deri ne 10 ton</i>	<i>2 copë</i>	<i>Pronësi ose me qira</i>
<i>Autobot uji</i>	<i>1 copë</i>	<i>Pronësi ose me qira</i>
<i>Autovinç</i>	<i>1 copë</i>	<i>Pronësi ose me qira</i>
<i>Kamionçinë 1 deri ne 3 ton</i>	<i>2 copë</i>	<i>Pronësi ose me qira</i>
<i>Depozitë uji 5000 L</i>	<i>1 copë</i>	<i>Pronësi ose me qira</i>
<i>Autobetoniere</i>	<i>2 copë</i>	<i>Pronësi ose me qira</i>
<i>Autopompë betoni</i>	<i>1 copë</i>	<i>Pronësi ose me qira</i>



<i>Pompë suvatimi</i>	<i>1 copë</i>	<i>Pronësi ose me qira</i>
<i>Skeleri</i>	<i>min 2000 m<sup>2</sup></i>	<i>Pronësi ose me qira</i>
<i>Betoniere 0.25 – 0.5 m<sup>3</sup></i>	<i>1 copë</i>	<i>Pronësi ose me qira</i>
<i>Vibrator</i>	<i>1 copë</i>	<i>Pronësi ose me qira</i>
<i>Makineri për shpërndarjen uniforme të kokrrizave të gomës të barit artificial</i>	<i>1 copë</i>	<i>Pronësi ose me qira</i>
<i>Fabrikë Betoni</i>	<i>1 cope</i>	<i>Pronësi, me qira ose aktmarrëveshje furnizimi</i>

- (a) Për mjetet që shënohen në regjistra publikë, kur janë në pronësi, duhet të paraqitet dokumentacioni që vërteton pronësinë e mjetit:- certifikatën e pronësisë; -leja e qarkullimit; -certifikatën e kontrollit teknik; siguracionin e vlefshëm; leja e transportit e vlefshme dhe fotot perkatëse;
- (b) Ndersa për mjete të marra me qira krahas dokumentacionit të mesiperm, duhet të paraqitet edhe kontrata noteriale e qirase dhe duhet të jetë e vlefshme për të gjithë periudhën deri në perfundimin e plote të punimeve.
- (c) Për mjetet që nuk shënohen në regjistra publikë, kur janë në pronësi, duhet të paraqitet kontrata e blerjes ose fatura e zhdoganimit ose fatura tatimore perkatëse, fotot, ndersa për mjete të marra me qira krahas dokumentacionit të mesiperm, duhet të paraqitet edhe kontrata noteriale e qirase dhe duhet të jetë e vlefshme për të gjithë periudhën deri në perfundimin e plote të punimeve.
- (d) Në rastin kur fatura është lëshuar nga subjekte që nuk janë të regjistruar si tatimpagues të TVSH-së duhet të shoqërohet me kuponin tatimor.
- (e) Për mjetet dhe pajisjet teknike që ka deklaruar operatori ekonomik duhet të paraqesë foto të qarta për secilin mjet dhe pajisje. Në rastin e mjeteve të targuara duhet të jetë e dukshme në një foto të vetme mjeti dhe targa e tij.
- (f) Për fabriken e betonit duhet të paraqitet dokumenti që vërteton pronësinë e saj, kontrata e marrjes me qira të saj ose aktmarrëveshja për furnizim.

Kriteri konsiderohet i përmbushur me paraqitjen e formularit të vetëdeklarimit sipas shtojcës 8. Ky dokumentacion deshmues do të paraqitet nga operatori ekonomik i kualifikuar i pari përpara publikimit të njoftimit të fituesit dhe nisjes së afatëve të ankimimit. Autoriteti/enti kontraktor i kërkon ofertuesit të kualifikuar i pari dokumente provuese për vetëdeklarimet, sipas shtojcës 8 të DST, këto dokumente duhet të paraqiten në origjinal ose në kopje të njësuara me origjinalin.

III.3.2. Në shtojcën 8 “Formulari Përmbledhës i Vetëdeklarimit” në dokumentet standarde të tenderit të procedurës së prokurimit objekt-ankimi, autoriteti kontraktor ka përcaktuar si më poshtë vijon:

#### **Shtojca 8.**

(Shtojcë për tu paraqitur nga operatori ekonomik)

## FORMULARI PËRMBLEDHËS I VETËDEKLARIMIT

II. Unë i nënshkruari \_\_\_\_\_ në cilësinë e \_\_\_\_\_ të operatorit ekonomik \_\_\_\_\_ deklaroj nën përgjegjësinë time të plotë që:

### Pjesa I: Informacion në lidhje me Operatorin Ekonomik

Identifikimi	Përgjigjja
Emri i operatorit ekonomik: (Ju lutemi renditni të gjithë operatorët ekonomikë nëse jeni një BOE. Ju lutemi tregoni rolin e operatorit ekonomik në BOE)	-----
Numri NIPT/et:	-----
Adresa postare: Qyteti / qyteti; Kodi postar	----- --
Përfaqësuesi (emri):	-----
Telefoni:	----- -
E-mail:	----- -----

### B: DEKLARATË

**Për nënkontraktorët dhe subjektet në kapacitetet, e të cilave do të mbështetet Operatori Ekonomik (nëse është e zbatueshme)**

Në cilësinë e operatorit ekonomik, deklaroj nën përgjegjësinë time të plotë se:

- **Informacione për nënkontraktorin**

Emri i nënkontraktorit të propozuar	NIPT –i	Përqindja e nënkontraktimit	Shërbimet /Mallrat e lidhura me to për t'u nënkontraktuar


- **Informacion mbi subjektet mbi kapacitetin, e të cilëve do të mbështetet operatori ekonomik**

<b>Emri (at) e subjekteve</b>	<b>NIPT-i</b>	<b>Lloji i kapacitetit për të cilin do të mbështetet operatori ekonomik</b>	<b>Specifiko konkretisht kapacitetin/et</b>

Deklaroj se, për subjektin / subjektet në kapacitetin/et, e të cilit/ëve do të mbështetem, nuk ka arsye për skualifikimin ose përjashtimin e tij / tyre nga procedura, në përputhje me dispozitat e nenit 76 të LPP-së, dhe konfirmoj me dokumente provuese që do të ketë burimet e kërkuara siç janë deklaruar.

## **Pjesa II: Shkaqet e përjashtimit**

### **A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT**

<b>Deklarata</b>	<b>Referencat (kur janë të zbatueshme)</b>
Operatori ekonomik është i	Nëse dokumentacioni përkatës është i disponueshëm

<p>regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv.</p>	<p>në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>
<p>Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së.</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]</p>
<p>Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose fuqi përfaqësuese, vendimmarrëse ose kontrolluese brenda operatorit ekonomik, si më poshtë:</p> <hr/> <hr/> <p>etj.</p> <p>nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së, etj.</p>	<p>Nëse dokumentacioni përkatës është i disponueshëm në formë elektronike, ju lutemi tregoni: Adresën e ueb-it: [shkruajeni] Autoritetin ose organin lëshues: [shkruajeni] Lloji i dokumentit: [shkruajeni]]</p>

<p>Operatori ekonomik nuk është dënuar me vendim gjyqësor të formës së prerë për vepra që lidhen me veprimtarinë profesionale.</p>	<p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p>
<p>Operatori ekonomik nuk është në proces falimentimi (statusi aktiv).</p>	<p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p>
<p>Operatori Ekonomik ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së</p>	<p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p>
<p>Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi.</p> <p>Ky informacion kërkohet për operatorët ekonomikë, të cilët operojnë në territorin e Republikës së Shqipërisë.</p>	<p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p>
<p>Operatori ekonomik ushtron aktivitetin e tij në zbatimin e kërkesave ligjore në fuqi, përfshirë legjislacionin mjedisor, social dhe të punës.</p>	<p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p>

<p>Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së.</p> <p>Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit Publik, gjatë kohës që ky vendim është në fuqi.</p>	<p>Nëse dokumentacioni përkatës është i disponueshëm në formë elektronike, ju lutemi tregoni:</p> <p>Adresën e ueb-it: [shkruajeni]</p> <p>Autoritetin ose organin lëshues: [shkruajeni]</p> <p>Lloji i dokumentit: [shkruajeni]</p>
---	--

## B: DEKLARATA

### Për Dorëzimin e Ofertave të Pavarura

Deklarata	Përgjigje
<p>Në cilësinë e operatorit ekonomik, bëj këtë deklaratë në përputhje me nenin 1 të Ligjit Nr. 162/2020, datë 23.12.2020 "Për Prokurimin Publik", dhe në zbatim të Ligjit Nr. 9121/2003 "Për Mbrojtjen e Konkurrencës", dhe garantoj që deklaratat e mëposhtme janë të vërteta dhe të plota në çdo aspekt:</p>	<p>_____</p>
<p>11. Kam lexuar dhe kuptuar përmbajtjen e kësaj deklaratë;</p>	<p><b>Po</b> [ ]</p>
<p>12. Kuptoj që oferta e paraqitur do të skualifikohet dhe / ose përjashtohet nga pjesëmarrja në prokurimin publik nëse kjo Deklaratë konstatohet se nuk është</p>	<p><b>Po</b> [ ]</p>

e plotë dhe / ose e pasaktë në të gjitha aspektet;	
13. Jam i autorizuar nga Ofertuesi për të nënshkruar këtë Deklaratë dhe për të paraqitur një Ofertë në emër të Ofertuesit;	<b>Po [ ]</b>
14. Çdo person, nënshkrimi i të cilit paraqitet në dokumentacionin e ofertës është i autorizuar nga ofertuesi për të përgatitur dhe për të nënshkruar ofertën në emër të ofertuesit;	<b>Po [ ]</b>
15. Për efekt të kësaj deklarate dhe ofertës së paraqitur, unë e kuptoj se fjala "konkurrent" nënkupton çdo operator tjetër ekonomik, përveç Ofertuesit, pavarësisht nëse paraqitet si një bashkim i operatorëve ekonomikë ose jo, që:  a) paraqet një ofertë në përgjigje të Njoftimit të Kontratës të bërë nga Autoriteti/Enti Kontraktor;  b) është ofertues i mundshëm i cili, bazuar në kualifikimet, aftësitë ose përvojat e tij, mund të paraqesë një Ofertë në përgjigje të Njoftimit të Kontratës.	<b>Po [ ]</b>
16. Ofertuesi deklaron se e ka përgatitur ofertën e tij në mënyrë të pavarur, pa u konsultuar, komunikuar dhe pa pasur ndonjë marrëveshje ose dakord me ndonjë konkurrent tjetër;	<b>Po [ ] Jo [ ]</b>
17. Ofertuesi deklaron se është konsultuar, ka komunikuar, ka lidhur marrëveshje me një ose më shumë konkurrentë në lidhje me këtë procedurë prokurimi. Ofertuesi	<b>Po [ ] Jo [ ]</b>

<p>deklaron se në dokumentet e bashkangjitura, detajet e kësaj oferte përfshijnë emrat e konkurrentëve, natyrën dhe arsyet e konsultimit, komunikimit, marrëveshjes ose angazhimit (në rast të një bashkimi të operatorëve ekonomikë ose nënkontraktimit).</p>	
<p>18. Në veçanti, pa cenuar pikat 6 dhe 7 më lart, nuk ka pasur asnjë konsultim, komunikim, kontratë ose marrëveshje me ndonjë konkurrent në lidhje me :</p> <p>a) çmimet;</p> <p>b) metodat, faktorët ose formulat e përdorura për llogaritjen e çmimit;</p> <p>c) qëllimin ose vendimin për të paraqitur një ofertë ose jo; ose</p> <p>d) paraqitjen e një oferte që nuk plotëson specifikimet e kërkesës së ofertës.</p>	<p><b>Po [ ] Jo [ ]</b></p>
<p>19. Për më tepër, nuk ka pasur asnjë konsultim, komunikim, marrëveshje ose kontratë me ndonjë konkurrent në lidhje me cilësinë, sasinë, specifikimet ose dërgesat specifike të mallrave ose shërbimeve në lidhje me prokurimin përkatës, përveç kur thuhet në pikën 7 më lart.</p>	<p><b>Po [ ] Jo [ ]</b></p>
<p>20. Kushtet e ofertës nuk u janë bërë të ditura ose treguar ofertuesve të tjerë në asnjë mënyrë, qoftë para datës dhe orës së hapjes zyrtare të ofertave, shpalljes së ofertës fituese dhe nënshkrimit të kontratës, përveç</p>	<p><b>Po [ ] Jo [ ]</b></p>



nëse kërkohet nga ligji ose nëse thuhet specifikisht nën pikën 7 më lart.	
---	--

## C: DEKLARATA

### Mbi Konfliktin e Interesit

#### Deklarata

Në cilësinë e operatorit ekonomik, ne deklarojmë se jemi të vetëdijshëm për sa vijon:

Konflikti i interesit është një situatë e konfliktit midis detyrës publike dhe interesit privat të një zyrtari, në të cilën ai / ajo ka interesa private direkte ose indirekte që ndikojnë, ose që mund të ndikojë ose që duket se ndikojnë në kryerjen e padrejtë të detyrave dhe detyrimeve publike.

Në përputhje me nenin 21, paragrafi 1, Ligji Nr. 9367, datë 07.04.2005, kategoritë e zyrtarëve siç parashikohen në Kapitullin III, Seksioni II, që janë absolutisht të ndaluara të përfitojnë drejtpërdrejt ose indirekt nga nënshkrimi i kontratave midis një pale dhe institucionit publik janë:

- Presidenti i Republikës, Kryeministri, Zëvendës Kryeministri, Ministrat, ose Zëvendësministrat, Deputetët, Gjyqtarët e Gjykatës Kushtetuese, Gjyqtarët e Gjykatës së Lartë, Kreu i Kontrollit të Lartë të Shtetit, Prokurori i Përgjithshëm, Gjyqtarët dhe Prokurorët në nivelin e Gjykatës së Shkallës së Parë dhe Gjykatës së Apelit, Avokati i Popullit, Anëtarët e Komisionit Qendror të Zgjedhjeve, Anëtarët e Këshillit të Lartë të Drejtësisë, Inspektori i Përgjithshëm i Inspektoratit të Lartë të Deklarimit dhe Kontrollit të Pasurive dhe Konfliktit të Interesit, Anëtarët e Enteve Rregullatore (Këshilli Mbikëqyrës i Bankës së Shqipërisë, përfshirë Guvernatorin dhe Zëvendësguvernatorin; konkurrenca; telekomunikacioni; energjia elektrike; furnizimi me ujë; sigurimi; bonot; autoritetet e medias), sekretarët e përgjithshëm të institucioneve qendrore si dhe çdo zyrtar publik në çdo institucion publik pozicioni i të cilit është i barabartë me atë të Drejtorit i Përgjithshëm, drejtuesit e organeve të administratës publike që nuk janë pjesë e shërbimit civil.

Për nëpunësit civilë të nivelit të mesëm, sipas nenit 31 dhe zyrtarët sipas nenit 32 të kreut III, seksionit 2 të këtij ligji, ndalimi në paragrafin 1 të këtij neni, për shkak të interesave private të zyrtarit, siç përcaktohet këtu të zbatohet vetëm në rast të lidhjes së kontratave brenda fushës dhe territorit të institucionit dhe juridiksionit të institucionit, ku punon zyrtari. Ky ndalim do të zbatohet edhe kur pala në kontratë është një institucion varësie.

Kur zyrtari është kryetar bashkie ose nënkryetar i një bashkie ose komune, ose kryetar i

një këshilli rajonal, anëtar i këshillit përkatës, ose një zyrtar i lartë i menaxhimit të një njësie të qeverisjes vendore, ndalimi për shkak të interesave private të zyrtarit, specifikuar këtu, do të zbatohet vetëm në rastin e lidhjes së kontratave, nëse ka, me bashkinë, komunën ose rajonin ku zyrtari ushtron një detyrë të tillë. Ky ndalim do të zbatohet gjithashtu kur pala në kontratë është një institucion publik në varësi të kësaj njësie (neni 21, paragrafi 2, Ligji Nr. 9367, datë 07.04.2005.

Ndalimet e parashikuara në nenin 21, paragrafët 1, 2 të Ligjit Nr. 9367, datë 07.04.2005, me përjashtimet përkatëse, do të zbatohen në të njëjtën masë edhe për personat e lidhur me zyrtarin, d.m.th. **bashkëshortin, bashkëjetuesin, fëmijët madhorë e prindërit e zyrtarit dhe të bashkëshortit dhe bashkëjetuesit.**

Unë jam në dijeni të kërkesave dhe ndalimeve të parashikuara në Ligjin Nr. 9367, datë 07.04.2005 "Për Parandalimin e Konfliktit të Interesit në Ushtrimin e Funksioneve Publike", të ndryshuar, dhe aktet nënligjore të miratuara në bazë të tij nga Inspektorati i Lartë i Deklarimi dhe Kontrolli i Pasurive, si dhe Ligji Nr. 162/2020, datë 23.12.2022 "Për Prokurimin Publik".

Në përputhje me to, unë deklaroj këtu se asnjë zyrtar publik, siç përcaktohet në Kapitullin III, Seksioni II të Ligjit Nr. 9367, datë 07.04.2005, dhe në këtë deklaratë, nuk ka ndonjë interes privat, direkt ose indirekt, me personin juridik që unë përfaqësoj këtu.

## D: DEKLARATA

### Për zbatimin e dispozitave ligjore në marrëdhëniet e punës

Deklarata	Përgjigje
Në cilësinë e operatorit ekonomik, deklaroj nën përgjegjësinë time të vetme se:	
4. Operatori ekonomik garanton mbrojtjen e së drejtës për punësim dhe profesion nga çdo formë e diskriminimit parashikuar nga legjislacioni i punës në fuqi.	Po [ ] Jo [ ]
5. Operatori ekonomik ka kontratat përkatëse të punës me punonjësit e tij dhe garanton masa sigurie dhe shëndetësore për të gjithë dhe, në veçanti, për grupet në nevojë, bazuar	Po [ ] Jo [ ]

në legjislacionin e punës në fuqi.	
6. Operatori ekonomik nuk ka ndonjë masë efektive ligjore të vendosur nga Inspektorati Shtetëror i Punës dhe Shërbimeve Sociale (ISHPSHSH). Në rastet kur janë identifikuar shkelje ligjore, operatori ekonomik ka marrë masat e nevojshme për adresimin e tyre brenda afateve të përcaktuara nga ISHPSHSH.	Po [ ] Jo [ ]

### Pjesa III Kriteret e Përzgjedhjes/Kualifikimit

#### A: DEKLARATË

Në përputhje me specifikimet teknike dhe grafikun e realizimit të objektit të kontratës:

Deklarata	Përgjigje
Në cilësinë e operatorit ekonomik, ne deklarojmë se plotësojmë të gjitha specifikimet teknike dhe termat e referencës, siç udhëzohet në dokumentet e tenderit, dhe këtë e provojmë përmes certifikatave dhe dokumenteve të paraqitura me këtë deklaratë (nëse kërkohet nga Autoriteti/Enti Kontraktor), dhe marrim përsipër të realizojmë objektin në përputhje me Listën e shërbimeve dhe grafikun e ekzekutimit të përcaktuar nga Autoriteti/Enti kontraktor.	Po [ ] Jo [ ]

#### B: DEKLARATË

Për disponimin e punonjësve dhe makinerive të nevojshme (nëse kërkohen)

Deklarata	Përgjigje
Në cilësinë e operatorit ekonomik, deklaroj nën përgjegjësinë time të	<u>Punonjës</u>

<p>vetme se:</p> <p>Unë kam punonjësit e nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar nëse fitoj, ose nëse më kërkohen sqarime nga autoriteti/enti kontraktor.</p>	<p>Po [ ] Jo [ ]</p> <p>Nëse, po, numri i punonjësve:</p> <hr/> <p>Profili i punonjësve</p> <hr/> <p><u>Makineri e mjete</u></p> <p>Po [ ] Jo [ ]</p> <p>Nëse po, të listohen me të dhënat konkrete:</p> <hr/>
<p>Data e dorëzimit të deklaratës _____ Vula _____</p> <p>Emri, Mbiemri, Firma _____</p>	

Emri, Mbiemri, Firma \_\_\_\_\_

Vula \_\_\_\_\_

Ju lutemi sigurohuni që:

- Secili pjesëmarrës i renditur në një bashkim operatorësh ekonomikë të paraqesë një Formular të veçantë të Vetëdeklarimit.

- Në rast se operatori ekonomik ofertues do të mbështetet në kapacitetet e subjekteve të tjera, një Formular i veçantë i Vetëdeklarimit duhet të paraqitet edhe nga subjekti mbështetës.

Në çdo rast, autoriteti/enti kontraktor ka të drejtë të kryejë verifikimet e nevojshme për vërtetësinë të Informacionit të deklaruar nga operatori ekonomik për sa më sipër.

*Shënim: Në çdo rast, përpara se të japë kontratën, autoriteti/enti kontraktor duhet t'i kërkojë ofertuesit fitues që të dorëzojë dokumentet provuese për vetëdeklarimet në formularin përmbledhës të vetëdeklarimit, si dhe dokumentet e paraqitura si pjesë e ofertës në rrugë elektronike. Këto dokumente duhet të paraqiten në origjinal ose në kopje të njësuara me origjinalin.*

**Shënim: Në çdo rast, përpara se të japë kontratën, autoriteti/enti kontraktor duhet t'i kërkojë ofertuesit fitues që të dorëzojë dokumentet provuese për vetëdeklarimet në formularin përmbledhës të vetëdeklarimit, si dhe dokumentet e paraqitura si pjesë e ofertës**

***në rrugë elektronike. Këto dokumente duhet të paraqiten në origjinal ose në kopje të njësuara me origjinalin.***

III.3.3. Nga verifikimet në sistemin e prokurimeve elektronike rezulton, se bashkimi operatorit ekonomikë “Zdravo” SHPK & “Totila” SHPK, në përmbushje të kriterit sa më sipër, ka dorëzuar:

1. Formularin përmbledhës të vetëdeklarimit (shtojca 8) nga operatori ekonomik “Zdravo” SHPK, ku në Deklaratën B “Për disponimin e punonjësve të nevojshëm për realizimin e punimeve objekt kontrate”, ka deklaruar 1 Eskavator me Goma, me targë AHMT91, Nr. Lejes së qarkullimit BRF00277521, Nr. Shasie 117034, Kontratë Qiraje Nr. 2058 Rep, Nr. 1158 Kol, me afat 09.06.2022-07.06.2027.
2. Me shkresën nr. 10766 prot., datën 06.12.2022, protokolluar me tonën me shkresën nr. 2432/7 prot, datë 07.12.2022 pranë Komisionit Prokurimit Publik është depozituar informacioni dhe dokumentacioni i bashkimit të operatorit ekonomik “Zdravo” SHPK & “Totila” SHPK dorëzuar pranë autoritetit kontraktor nga ky i fundit. Bashkëlidhur informacionit konstatohen:
3. Kontratë Qiraje Nr. 2058 Rep, Nr. 1158 Kol, datë 09.06.2022 midis qiradhënësit shoqërisë 3 V Pasho dhe qiramarrësit shoqërisë “Zdravo” SHPK, objekti kontratës marrja me qira e mjetit Makinë teknologjike për ndërtim a mirëmbajtje, Marka Orenstein, tipi MH5, Nr. shasie nr. 117034, Targa AHMT91. Certifikatë e Kontrollit Teknik të Mjetit, Certifikatë Pronësie të Mjetit, Leje Qarkullimi të Mjetit, Taksat Vendore të Mjetit, Foto të Mjetit, Siguracion të Mjetit.
4. Formularin përmbledhës të vetëdeklarimit (shtojca 8) nga operatori ekonomik “Totila” SHPK, ku në Deklaratën B “Për disponimin e punonjësve të nevojshëm për realizimin e punimeve objekt kontrate”, ka deklaruar 1 Autobot Uji, me targë SK 1922 A, Nr. Lejes qarkullimit të mjetit BRF0098414, Nr. Shasisë së mjetit WDB67401315546162, Kontratë Qiraje Nr. 1204 rep, Nr. 749 Kol, me afat 11.06.2018-11.06.2023.
5. Me shkresën nr. 10766 prot., datën 06.12.2022, protokolluar me tonën me shkresën nr. 2432/7 prot, datë 07.12.2022 pranë Komisionit Prokurimit Publik është depozituar informacioni dhe dokumentacioni i bashkimit të operatorit ekonomik “Zdravo” SHPK & “Totila” SHPK dorëzuar pranë autoritetit kontraktor nga ky i fundit. Bashkëlidhur informacionit konstatohen:
6. Kontratë Qiraje Nr. 1204 Rep, Nr. 749 Kol, datë 11.06.2018 midis qiradhënësit z. A. K dhe qiramarrësit shoqërisë “Totila” SHPK, objekti kontratës marrja me qira e mjetit ATV tipi 814 Marka Mercedes Benz shasi nr. WDB67401315546162, Targa SK 1922 A. Certifikatë e Kontrollit Teknik të Mjetit, Certifikatë Pronësie të Mjetit, Leje Qarkullimi të Mjetit, Taksat Vendore të Mjetit, Foto të Mjetit, Certifikatë për Transport Mallrash, Siguracion të Mjetit, Taografin e Mjetit.

III.3.4. Referuar nenit 77 të ligjit nr. 162/2020 “Për prokurimin Publik” përcaktohet se: “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

a) përshtatshmërinë për të kryer veprimtarinë profesionale;

b) gjendjen ekonomike dhe financiare;

c) aftësinë teknike dhe profesionale. Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

2. Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionalë ose tregtarë. Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.

3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet 12 kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit. Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës. Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë. Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.

5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”.

III.3.5. Në pikat 1 dhe 2 të nenit 82 “Formulari përmbledhës i vetëdeklarimit”, të ligjit nr. 162/2020 “Për Prokurimin Publik” përcaktohet se: “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari 23 përcaktohet në rregullat e prokurimit publik. Kur autoriteti ose enti kontraktor mund t'i marrë dokumentet mbështetëse duke u futur direkt në një bazë të aksesueshme të dhënash shtetërore, në formularin përmbledhës të vetëdeklarimit përcaktohet edhe informacioni që kërkohet për këtë qëllim, siç është adresa në internet e bazës të të dhënave, çdo e dhënë identifikimi dhe, sipas rastit, në deklaratën e nevojshme për dhënien e pëlqimit. Operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

2. Në çdo kohë gjatë procedurës, autoriteti ose enti kontraktor mund t'u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës”.

III.3.6. Ndërsa në nenin 92/3 të ligjit nr. 162/2020 “Për Prokurimin Publik” përcaktohet se: “3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji..”.

III.3.7. Në nenin 26 “Formulari përmbledhës i vetëdeklarimit”, pikat 1, 2, 3, 6 dhe 7 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, parashikohet shprehimisht se: “Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla”.

2. Formulari përmbledhës i vetëdeklarimit përmban informacion dhe deklarin, si më poshtë vijon:

a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;

b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;

c) personi/at në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose që ka kompetenca përfaqësuese, vendimmarrjeje ose kontrolluese brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;

ç) operatori ekonomik nuk është dënuar me vendim të gjykatës së formës së prerë, për vepra që lidhen me veprimtarinë profesionale;

- d) operatori ekonomik nuk është në proces falimentimi;
- dh) operatori ekonomik ka paguar të gjitha detyrimet për pagimin e taksave dhe tatimeve 1 të kontributeve të sigurimeve shoqërore, sipas parashikimeve të pikës 2, të nenit 76, të LPP-së;
- e) operatori ekonomik ka shlyer të gjitha detyrimet e maturuara të energjisë elektrike, dhe përmbush kërkesat që rrjedhin nga legjislacioni i fushës në fuqi. Ky informacion kërkohet për operatorët ekonomikë, të cilët ushtrojnë veprimtarinë në territorin e Republikës së Shqipërisë;
- ë) operatori ekonomik nuk ndodhet në kushtet e konfliktit të interesit, sipas legjislacionit në fuqi;
- f) operatori ekonomik ushtron aktivitetin në zbatim të kërkesave ligjore të legjislacionit mjedisor, social dhe të punës;
- g) operatori ekonomik ka paraqitur ofertë të pavarur, sipas kërkesave të legjislacionit në fuqi;
- gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;
- h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);
- i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti;
- j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;
- k) operatori ekonomik ushtron aktivitetin konform kërkesave të legjislacionit në fuqi.
3. Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.
4. Për përmbushjen e detyrimit sipas këtij neni, operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.
5. Operatorëve ekonomikë nuk u kërkohet të dorëzojnë dokumente mbështetëse, kur autoriteti ose enti kontraktor që ka dhënë kontratën ose ka lidhur marrëveshjen kuadër, i ka këto dokumente.
6. Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin. Autoriteti/enti kontraktor pranon një dokument të lëshuar nga i njëjti institucion ose palë e tretë dhe që ka të njëjtin informacion me atë të paraqitur në procedurën e zhvilluar në mënyrë elektronike.

Operatorët ekonomikë të huaj duhet të paraqesin dokumentet në formën e kërkuar nga legjislacioni në fuqi për njohjen e dokumentacionit të lëshuar në një shtet të huaj.



*Për dokumentet që nuk lëshohen në vendin e origjinës, operatorët ekonomikë duhet të vetëdeklarojnë këtë fakt, përndryshe dokumentacioni do të konsiderohet i paparaqitur.*

*7. Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t'i kërkojë operatorit sqarime dhe dokumente mbështetëse për këto sqarime.*

III.3.8. Në nenin 39, pika 4 dhe gërma “ç” e pikës 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, parashikohet shprehimisht se: “4. Kërkesat e veçanta të kualifikimit duhet të përfshijnë të gjitha kriteret specifike në përputhje me nenin 77, të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo rast, autoriteti ose enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.

*6. Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:*

*d) mjetet e pajisjet teknike, të nevojshëm për ekzekutimin e objektit të prokurimit, që ka në dispozicion apo që mund t'i vihen në dispozicion operatorit ekonomik për të përmbushur kontratën. [...]”.*

III.3.9. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Kriteret kualifikuese të përcaktuara nga autoriteti kontraktor janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit. Për pasojë, Komisioni gjykon, se operatorët ekonomikë pjesëmarrës në një procedurë prokurimi duhet të plotësojnë vetëm kërkesat e vendosura në dokumentet e tenderit, e rrjedhimisht, vlerësimi e kualifikimi i tyre duhet të bëhet në përputhje vetëm me këto kërkesa.

Nga shqyrtimi i dokumentacionit të dorëzuar në SPEna bashkimi i operatorit ekonomik “Zdravo” SHPK & “Totila” SHPK, Komisioni konstaton, se ky bashkim operatorësh ekonomikë ka ngarkuar në SPE shtojcën 8 “Formulari Përmbledhës i Vetëdeklarimit” si dhe ka dorëzuar pranë autoritetit kontraktor dokumentacionin në lidhje me vërtetueshmërinë e plotësimi të kriterëve të kualifikimit të vetëdeklaruar në shtojcën 8, ku deklaroi mjetet dhe makineritë, referuar kriterit të parashikuar në pikën 2.7 të dokumenteve standarde të tenderit bashkimi i operatorëve ekonomikë ka deklaruar në shtojcë (Llojin e mjetit, Targën e mjetit,

Nr. Lejes qarkullimit të mjetit, Nr. Shasisë së mjetit, Nr. Kontratës Qirasë, Afati i Kontratës Qerasë, duke evidentuar 1 Eskavator me Goma, me targë AHMT91, Nr. Lejes së qarkullimit BRF00277521, Nr. Shasie 117034, Kontratë Qeraje Nr. 2058 Rep, Nr. 1158 Kol, me afat 09.06.2022-07.06.2027, dhe 1 Autobot Uji, me targë SK 1922 A, Nr. Lejes qarkullimit të mjetit BRF0098414, Nr. Shasisë së mjetit WDB67401315546162, Kontratë Qeraje Nr. 1204 rep, Nr. 749 Kol, me afat 11.06.2018-11.06.2023).

III.3.10. Referuar sa më sipër KPP gjykon, se bashkimi i operatorit ekonomik “Zdravo” SHPK & “Totila” SHPK në lidhje me deklarin e të dhënave të mjetit ekskavator me goma nga verifikimi i shtojcës 8 “Formulari Përmbledhës i Vetëdeklarimit” dhe dokumentacionit të dorëzuar pranë autoritetit kontraktor në lidhje me vërtetueshmërinë e vetdeklarimit rezulton se e ka përmbushur kriterin e veçantë të kualifikimit të parashikuar në pikën 2.7. Për sa i përket mjetit ekskavator me goma rezulton se janë deklaruar të dhënat e këtij mjeti 1 Eskavator me Goma, me targë AHMT91, Nr. Lejes së qarkullimit BRF00277521, Nr. Shasie 117034, Kontratë Qiraje Nr. 2058 Rep, Nr. 1158 Kol, me afat 09.06.2022-07.06.2027, dhe 1 Autobot Uji, me targë SK 1922 A, Nr. Lejes qarkullimit të mjetit BRF0098414, Nr. Shasisë së mjetit WDB67401315546162, Kontratë Qiraje Nr. 1204 rep, Nr. 749 Kol, me afat 11.06.2018-11.06.2023), gjithashtu është paraqitur dhe fizikisht ky dokumentacion pranë autoritetit kontraktor. Ndërsa lidhur me pretendimin e ankimesit se autoboti ujit i deklaruar nga bashkimi i operatorit ekonomik “Zdravo” SHPK & “Totila” SHPK nuk është autobot uji por autobot naftë, KPP gjykon, se nga verifikimi i dokumentacionit të paraqitur pranë autoritetit kontraktor nga operatori ekonomik Zdravo” SHPK & “Totila” SHPK rezulton, se në certifikatën e pronësisë së këtij mjeti dhe në lejen e qarkullimit të tij identifikohet kodi C7, i cili referuar legjislacionit të transportit në Republikën e Shqipërisë nenit 47 dhe 54 të Kodit Rrugor si dhe Rregullores nr. 16, datë 26.11.2003 “Për Procedurat e Pranimit, Plotësimit dhe ruajtjes se Dokumentacionit, për Kryerjen e Shërbimeve ndaj Subjekteve Private dhe Shtetërore, në Sektorin e Rregjistrimit të Mjeteve Rrugor”, në tabelën e kodeve të karrocereve të mjeteve identifikohet kodi C7 si cisternë për transportin e mallrave ushqimor dhe jo cisternë për transportin e mallrave të rrezikshëm të ndezëshëm dhe nënprodukteve të naftës ashtu sikurse pretendon operatori ekonomik ankimes, konkluzion ky i arritur edhe nga ana e autoritetit kontraktor në kthim përgjigjen dërguar pranë KPP-së, i cili pas verifikimit të kryer pranë DPSHTRR Fier, rezulton se ky mjet me kod karrocerie C7 identifikohet si cisternë për transportin e mallrave ushqimorë. KPP gjykon, se me dokumentacionin e paraqitur bashkimi i operatorëve ekonomikë “Zdravo” SHPK & “Totila” SHPK dëshmojnë se disponojnë një mjet ekskavator me goma dhe një mjet autobot uji sipas kërkesave të autoritetit kontraktor.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik”, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar Vendimit të Këshillit të Ministrave nr. 261, datë 17.03.2010 “Për përcaktimin e tarifës dhe të rregullave për pagimin e saj, në një procedurë ankimesi, pranë Komisionit të Prokurimit Publik”, Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave

*Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, Komisioni i Prokurimit Publik, njëzëri,*

**Vendos:**

1. Të mos pranojë ankesën e operatorit ekonomik “Kevin Konstruksion” SHPK për procedurën e prokurimit “Procedurë e Hapur” me Nr. REF-43377-09-26-2022, me objekt “Rikonstruksion i shkollës 9-vjeçare Skënder Libohova + shtesë anësore, Lushnje”, me fond limit 58 167 291 (pesëdhjetë e tetë milionë e njëqind e gjashtëdhjetë e shtatë mijë e dyqind e nëntëdhjetë e një) lekë pa TVSH, zhvilluar në datën 27-10-2022 nga autoriteti kontraktor Bashkia Lushnje.
  2. Autoriteti kontraktor lejohet të vijojë me hapat e mëtejshëm të procedurës së prokurimit.
  3. Ngarkohet zyra e financës të kryejë veprimet përkatëse për derdhjen në Buxhetin e Shtetit të tarifës financiare të paguar nga operatori ekonomik “Kevin Konstruksion” SHPK.
  4. Kundër këtij vendimi mund të bëhet ankim në Gjykatën Administrative të Apelit.
  5. Kopje e këtij vendimi i dërgohet për njoftim Agjencisë së Prokurimit Publik.
- Ky vendim hyn në fuqi menjëherë.

**KOMISIONI I PROKURIMIT PUBLIK**

**Nënkryetar**  
**Fiorent Zguro**

**Anëtar**  
**Kreshnik Ternova**

**Anëtar**  
**Anila Malaj**

**Kryetar**  
**Jonaid Myzyri**

